



KOMMUNE KUJALLEQ

TEKNIKKIMUT AVATANGIISINULLU INGERLATSIVIK

POSTBOKS 514, 3920 QAQORTOQ

TLF (+299) 70 41 00

WWW.KUJALLEQ.GL

Inuussutissarsiortunit eqqakkat pillugit maleruaqqusat
Kommune Kujalleq

2021

Taaguutaa: Inuussutissarsiortunit eqqakkat pillugit maleruaqqusat
Kommune Kujalleq

2021

Uannga suliarineqarpoq: Teknikkimut Avatangiisinullu ingerlatsivik

Inatsisisinut tunngasortai uannga misissorneqarput: Namminersorlutik Oqartussani Inatsisileriffik

Akuersisoq: Kommune Kujallerimi Kommunalbestyrelse

Imai

§ 1 SIUNERTAA	4
§ 2 INATSISIT TUNNGAVIGISAT	4
§ 3 ATUUFFIA	4
§ 4 NASSUIAAT	5
§ 5 PISUSSAAFFIIT PISINNAATITAAFFILLU	7
§ 6 IMMIKKUT AAQQISSUUSINERIT	12
§ 7 NAKKUTILLINEQ AQUTSINERLU	12
§ 8 AKILIUTEQARTITSINEQ	13
§ 9 IMMIKKUT AKUERSISSUTIT	14
§ 10 SAAFFIGINNINNEQ NAAMMAGITTAALLIORNERLU	14
§ 11 UNIOQQUTITSINEQ KINGUNEQARTITSINERLU	14
§ 12 PIGINNAATITSINEQ	15
§ 13 ATORTUULERSITSINEQ	15
§ 14 EQQAGASSAT ULLUINNARNI EQQAGASSANUT ASSINGUSUT	16
§ 15 EQQAGASSAT ULORIANARTUT, ATORTUKUT SARFATORTUT AAMMA NILLATAARTITSIVIIT/QERITITSIVIIT	20
§ 16 QISUIT EQQAKKAT	23
§ 17 NUNAMERNGIT MINGUTSITAANNGITSUT MINGUTSITALLU	24
§ 18 EQQAKKAT IKUALLANNEQARNISSAMINNUT NALEQQUTTUT	25
§ 19 SAVIMINIKUT	26
§ 20 QAMUTIT MOTORILLIT UMIATSIALLU ATORUNNAARTUT	27
§ 21 SANAARTORNERMIT IGITASSAT	29
§ 22 EQQAGASSAT MATOORUSSASSATUT NALEQQUTTUT	30
§ 23 EQQAKKAT ANGISUUT	31
§ 24 IGALAAMERNGIT IGALAAMERNILLU PUULLIT IGITASSAT	32
§ 25 EQQAKKANIK TIGOORA AVINNUT/ATOQQIIVINNUT AAQQISSUUSSINEQ	33

§ 1 SIUNERTAA

Maleruaqqusani ukunani Kommune Kujallermi inuussutissarsiortut eqqagaannik katersinermut tunngatillugu aaqqissuussinerit innersuussisarnerillu aalajangersaaffigineqarput. Malittarisassani inuussutissarsiortut eqqagaannik pitsaasumik immikkoortiterineq, passussineq igitsinerlu qulakkeerneqassaaq.

Maleruaqqusani siunertarineqarpoq mingutsitsinaveersaarnissaq eqqiluisaanngitsumillu pissuseqarnissamik pinaveersaartitsinissaq, aammalu inuussutissarsiortut eqqagaannik atorluaanissamik siuarsaanissamut nukissanik atuinerup killilersimaarneqarnissaa.

§ 2 INATSISIT TUNNGAVIGISAT

Maleruaqqusat inatsisit atuuttut tunngavigalugit suliarineqarput:

- 1) Avatangiisit innarlitsaaliorneqarnissaanik Inatsisartut inatsisaanni nr. 9, 22. november 2011-meersaq § 36, imm. 3
- 2) Igitassanik eqqaasarneq pillugu Namminersornerullutik Oqartussat nalunaarutaanni nr. 28, 17. september 1993-imeersumi § 18
- 3) Oliakunit akuutissanillu eqqagassat pillugit Namminersornerullutik Oqartussat nalunaarutaanni nr. 29, 17. september 1993-imeersumi § 17, imm. 1 aamm 2

§ 3 ATUUFFIA

Maleruaqqusat Kommune Kujallermi suliffeqarfinnut tamanut atuupput. Qaqortumi, illoqarfinni nunaqarfinnilu pissutsit sullissinerullu assigiinnginnerat pissutigalugu immikkoortuni taakkunani pingasuni maleruaqqusat arlalitsigut assigiinngissuteqartinneqarput. Kommune tamakkerlugu immikkoortuni makkunani malittarisassat assigiit atuutsinneqarput:

- Qaqortoq
- Illoqarfiit allat (Nanortalik aamma Narsaq)
- Nunaqarfiit

Suliffeqarfiit avinngarusimasumiittut / asimiittut eqqagassaatininnik namminneq assartuisussaallutillu kommunip eqqagassaleriviinut tunniussisussaataaapput. Eqqakkat immikkoortiterneqassapput eqqagassalerinermi aaqqissuussinerit maleruaqqusat matumani nassuiarneqartut naapertorlugit.

Maleruaqqusat Kommune Kujallermi inuussutissarsiortut eqqagaannut tamanut atuupput, immikkoortulli uku pinnagit:

- 1) *Anartarfilerinermut maleruaqqusaq, Anartarfiit imaannik aamma imermik erroruivikumik eqqaaneq pillugu Namminersorlulik Oqartussat nalunaarutaat nr. 10, 12. juni 2015-imeersaq naapertorlugu aamma Kommune Kujallermi Anartarfilerineq pillugu maleruaqqusatigut malittarisassaqartinneqartoq 2016-imeersaq.*
- 2) Eqqakkat radiup qinngornillit
- 3) Aallaasit imassaat sakkullu politiinut tunniussassat
- 4) Eqqakkat qaarsinnaasut, soorlu qummoroortartut qaartiterutissallu, qatserisarfeqarfinnut tunniunneqartussat
- 5) Nakorsaait, nakorsaait sinnikui, peqqinnissaqarfiit eqqagaat ulorianaateqarsinnaasut, peqqinnissaqarfimmut tunniunneqartussat

Kommunip iluani avataanilu misissuinermit aatsitassanillu paaanermi eqqakkat immikkoortuni misissuinermit aatsitassanillu paaanermi immikkut malittarisassani § 6.3-imi atuarneqarsinnaapput.

§ 4 NASSUIAAT

Maleruaqqusani ukunani isumasiuutit atornegartut tassaapput isumasiuutit inatsimmi atuuttumi assingannik atornegartut, tassalu inatsimmi matumani taaguutinut ataasiakkaanut isumasiuutit pisinnaasamik aalajangersarneqarsimasut.

Eqqakkat immikkoortat ataasiakkaat nassuiaataat malittarisassani allassimapput, tassanilu aaqjissuussinerit ataasiakkaat allaaserineqarlutik. Tassunga tunngatillugu isumasiuutit toqqakkat maleruaqqusanut ukununga immikkut attuumassuteqartut allattorsimapput.

Eqqaavimmut aqqut	Eqqaavilerisut qamutaasa inissiffiisa eqqagassaasiviullu akornanni aqqut.
Inuussutissarsiortut eqqagaat	Pisortat namminersortullu suliffeqarfiit, inunnik sullissivinniit umiarsualivinniillu eqqakkat.
Eqqagassalerisoq	Eqqagassalerisoq tassaavoq immikkoortitereqqittartog, aserorterisartog, naqitsisartog, panersiisartog, agguisartog, immikkoortitsisartog, ingutserisartog imaluunniit eqqagassanik poortueqqittartog. Eqqakkanik passussinermut atatillugu eqqagassalerisup peqqinnissamut avatangiisinullu illersorneqarsinnaasumik passussinissaq akisussaaffigaa.
Eqqakkat immikkoortiteri	Eqqakkat immikkoortiterneq tassaavoq eqqakkat akornanni atortut immikkoortinneqarsimasut assigiimmik katitikkat.
Eqqagassanik katersisartog	Eqqakkanik katersisartog eqqagassaqaalersitsisartumiit ataatsimiit arlalinnilluunniit allat akiligassaannik eqqakkanik katersisarpoq, taakkulu eqqagassaleriviliaattarlugit. Katersinermut atatillugu eqqagassaqaalersitsisartumiit eqqakkanik katersisartumut eqqakkanik immikkoortiterineq akisussaaffigitinneqalerpoq.
Eqqagassaqaalersitsisartog	Inuussutissarsiortut eqqagassaqaalersitsisinerannut tunngatillugu eqqagassaqaalersitsisartut tassaapput: Suliffeqarfiit Inunnik sullissiveqarfiit Umiarsualiviit Eqqagassaqaalersitsisoq tassaavoq inuk inatsisitigulluunniit inissisimasog suliffeqarfimmut akisussaasog, sulinermigut eqqagassanik pilersitsisusog. Sanaartornermut tunngasuni eqqagassaqaalersitsisartog sanatitsisuuvoq imaluunniit, taanna sinnerlugu allakkatigut isumaqatigiissuteqarnikkut akisussaaffimmik tiguisog. Najugaqarfinni pisortat namminersortullu illuutileqatigiivi tassaapput eqqagassaqaalersitsisartut taamalu sumiiffinni tamakkunani eqqagassat isumagineqarnissaannut akisussaasut. Umiarsualivinniit eqqakkanut tunngatillugu umiarsualiveqarnermut oqartussaasut suliffeqarfimmut akisussaasut eqqakkanik pilersitsisartuupput.
Eqqakkanik assartuisartog	Allanit akilernerqarlutik eqqagassanik assartuisartut Eqqagaassanik assartuisartup eqqagassat eqqagassaqaalersitsisumeersut eqqagassalerivimmut assartortarpai.

Innersuussisarnerit	Malittarisassat naapertorlugit aaqqissuussineq kommunip malittarisassaani aalajangersakkat malillugit eqqagassaqaalersitsisartup eqqakkat passunneqarnissaat akisussaaffigaa.
Akiliutit nalinginnaasut (nunaqarfinni)	Kommunip nunaqarfiini najugaqavissut eqqagassalerinermi aningaasartuutitut matussutaasussamik tamarmik tunngaviusumik akiligassineqartarput.
Eqqagaasiiviit	Eqqaavik qattaq, containereeraq, skarnkasse, puussiarsuarnut inaalitsivik, containeri uertittartoq, containeri ammasoq, assigisaallu eqqakkanik pilersitsisartup eqqakkanik katersinermini suliffiutimi silataani atortagaa.
Igitsisarneq	Suliaq sunaluunniit atoqqitassaanngitsoq.
Aggiussisarnermik aaqqissuussineq	Suliffeqarfik eqqagassaatinik nammineeeluni katersuisarfimmukkaassisappat taaneqartarpoq aatsisarnermik aaqqissuussineq. Katersuisarfimmiittut tassaasinnaapput containerit, qaarajuttut "iglut", diamantit imaluunniit kuber qitiusumut inissinneqarsimasut.
Toqqaannartumik atoqqineq	Igitat annerusumik suliareqqinneqaratik atorneqaqqaarnermissut atorneqarsinnaasut.
Akiliutit	Qaortumi, Narsami Nanortalimmilu inuussutissarsiortut eqqagassaqaalersitsisut kommunip eqqagassaleriviinut eqqagassanik tunniussinermiinnit tunniussinermut akiliisassapput, kiisalu kommunip eqqagassanik katersisarneranut anartarfilerineranullu aammalu slamtankinik imaarsisarneranut peqataanermiinnut akiliisassallutik. Nunaqarfinni inuussutissarsiortut eqqagassaqaalersitsisut akinik tunngaviusunik akiliisassapput.
Eqqakkat atoqqinneqarsinnaasut	Eqqakkat, atoqqitassanngortitassatut immikkoortiternissaat teknikkikkut ajornaquteqanngitsut (tassunga ilanngullugit atoqqitassanngortinnissaannut nassiunneqarneri) aaqqissuussinerni, Kalaallit Nunaanni imaluunniit Danmarkimi/nunani allani pilersinneqarsimasut. Atoqqisarneq suliaassaavoq nutaanik atortussialiornermut allanullu tunngatillugu stoffit sinneruttut atoqqitassanngortittarnerinik.
Aallertarnermik aaqqissuussineq	Eqqakkanik assartuisartoq eqqagassaqaalersitsisumit aalleraangat taaneqartarpoq aallertarnermik aaqqissuussineq.
Inoqutigiit	Inoqutigiit pineqartillugit tassaapput inissianik aamma illunik najugaqarfinnik piginnittut, attartortut atuisullu. Inoqutigiit tassaapput ataatsimoortut, najugaqatigiiffimmi/najukkami ataatsimi ilaqutariissutsimut tunngasut eqqarsaatiginagit inuit najugallit tamarmiusut.
Qanoq pineqarnera	Katersineq, angallassineq, tiguisarneq, passussineq, atoqqitassanngortitsineq eqqakkanillu igitsisarneq.
Katersinermi atortut	Eqqagassaasiviit angallassissutillu suulluunniit eqqakkanik katersuinermi angallassinermilu atorneqartut.

Katersuisarnermik aaqqissuussineq	Maleruaqqusani aalajangersakkat naapertorlugit aaqqissuussinermi eqqagassaqaalersitsisup eqqakkaminik kommunimut tunniussinera, eqqakkallu passunneqarnissaannut tamakkiisumik kommune akisussaattillugu.
Eqqagassanik immikkoortiterisarneq	Eqqakkat piliarineqarfianni immikkoortiterneqartut (eqqagassaqaalersitsisumit imaluunniit tassumunga sapinngisamik qanittumit eqqakkallu tigooraavimmut apuunneqarnissaat sioqqullugu) immikkoortunngorlugit katersukkanut assigiinngitsunut, assersuutigalugu savimerngit, pappit igalaamerngillu.
Tigooraavik	Tigooraavimmi eqqakkat inissinneqartut, ikuallanneqartut, passunneqartut aamma/imaluunniit nutaatut atoqqitassanngorlugit suliarineqartut.
Inissiiviit	Sumiiffimmi eqqagassiiviit containerillu inissinneqarsimasut

§ 5 PISUSSAAFFIIT PISINNAATITAAFFILLU

§ 5.1 ATUISUSSAATITAANEQ

Eqqagassaqaalersitsisartut tamarmik, qulaani nassuiaatigineqartoq naapertorlugu, maleruaqqusanut ukununga ilaatinneqarput, katersinissamullu aamma ilitersuutitut aaqqissuussinerit maleruaqqusani aalajangersarneqarsimasut malinneqarnissaat pisussaafigaat.

Eqqakkat maleruaqqusani allaaserineqanngitsut eqqarsaatigalugit eqqagassaqaalersitsisut ataasiakkaat kommunalbestyrelsimut saaffiginnissuteqassapput, taakkulu eqqakkat iginneqarnissaannut erseqqissumik innersuussuteqassallutik. Taamatut pisoqartillugu eqqagassaqaalersitsisut kommunalbestyrelsip innersuussutaanik malinnittussaataapput, eqqakkanillu suliarinninnissamut akisussaasuullutik, tamatumunga ilanngullugu suuneri apeqqutaatillugit immikkoortiterisinnaaneq. Eqqagassaqaalersitsisut aamma eqqakkat iginneqarnissaat allatulluunniit passunneqarnissaat nammineq aningaasartuutigissavaat. Eqqagassaqaalersitsisup akisussaaafia atorunnaassaaq eqqakkat tigooraavimmut, eqqakkanik katersisartumut imaluunniit eqqakkanik passussisartumut akuerisamut tunniunneqareepata.

Eqqagassaqaalersitsisoq eqqakkat amerlassusaat imaluunniit suuneri apeqqutaatillugit kommunip tigooraaviani passunneqarnissaannut ajornartorsiutigineqartunik imaluunniit kommunip sulisuinut avatangiisinut ajornartorsiortitsippata, kommunalbestyrelse eqqakkanik igitsinissamut periarfissamik allamik innersuussisussaataavaq. Taama pisoqartillugu eqqagassaqaalersitsisut kommunalbestyrelsip innersuussutaanik malinnittussaataapput, eqqakkallu passunneqarnissaat namminneq akisussaafigalugit, tamatumunga ilanngullugu suussusii naapertorlugit immikkoortiternissaat, katersinermi, iginneqarnerini allatulluunniit passunneqarnerini aningaasartuutitai akisussaafigalugit.

Eqqakkat asimi pilersinneqartut kommunip inoqarfiisa ilaannut ingerlanneqassapput umiarsualivimmilu tigooraavinnut iginneqassallutik, § 6.1 naapertorlugu umiarsualivinni tigooraavinnut, imaluunniit kommunip eqqagassaleriviinut. Eqqakkat suliarineqassapput maleruaqqusani matumani aaqqissuussinerit pillugit allaaserisat naapertorlugit.

Piumasarineqarpoq suliffeqarfiit aalajangersimasumik adresseqaratik kommunimi nunaqarfiit ilaanniittut aammalu kommunip nunaqarfiisa ilaanni asimiluunniit eqqagassiortuusut, kommunalbestyrelsimut nalunaarnissaminik pisussaafeqassasut eqqagassalerinermut akiliutit allallu akilersinniarneqartarnissaat siunertaralugu. Tassunga taarsiullugu suliffeqarfik kommunimut isumaqatigiissuteqarluni eqqagassanik nunaqarfimmiit assartuisinnaavoq, eqqagassalerivinnilu akuerisaasuni allani eqqagassat suliaritissinnaallugit malittarisassat maleruaqqusani ukunaniittut naapertorlugit. Eqqagassanik umiarsuakkoortitsisoqarpat kommunalbestyrelse tamatuminnga nalunaarfigneqassaaq.

Eqqakkanik silami ikuallaaneq inerteqqutaavoq.

Kommunip eqqakkanik tigooraavianut tunniussinermi eqqakkanik tunniussisoq eqqakkat sumut misissorneqarnissaat eqqarsaatigalugu tamatigut kommunip illoqarfiini ingerlatsinermut sulisumut imaluunniit nunaqarfinni innuttaasunut sullissivimmuut saaffiginnittassaaq. Ingerlatsinermut sulisup innersuussutai tamatigut malinneqartassapput.

§ 5.2 IMMIKKOORTITERISUSSAATITAANEQ

Eqqakkat immikkoortut sorliit katersuinermut innersuussinermullu aqqissuussinernut ilaatinneqassanersut kommunalbestyrelsip allangersussavai. Eqqagassaqaalersitsisartoq aqqissuussinerni ataasiakkaani allassimasut naapertorlugit eqqakkanik immikkoortiterisussaataavoq. Eqqakkat immikkoortunut sorlernut iginneqassanersut nalornissutigineqarpat, suliamut tunngatillugu kommunalbestyrelse aalajangiissaaq.

Eqqakkat immikkoortut maleruagassami matumani aqqissuussinernut imaluunniit inatsimmut allamut naleqqussaaneermullu ilaatinneqanngitsut suussusilersornissaat erseqqissumillu innersuussissutigineqarnissaat eqqarsaatigalugu kommunalbestyrelsimut nalunaarutigineqassapput. Eqqakkat qanoq passunneqassanersut iginneqassanersullu, kommunalbestyrelsip aalajangissavaa.

Eqqakkat ulorianartut pineqarpata Oliakumik kemikalianillu eqqakkat pillugit Namminersornerullutik Oqartussat nalunaarutaannut ilaatinneqanngitsut aammalu eqqakkat nalunaarummi ilanngussaq 1-imi 2-milu taaneqartunut nallersuunneqarsinnaasunik akoqarneri pasitsaanneqarpata, kommunalbestyrelsip Avatangiisinut Pinngortitamullu Naalakkersuisoqarfik attaveqarfigissavaa.

§ 5.3 AKILIISUSSAATITAANEQ

Eqqagassaqaalersitsisartut tamarmik kommunip eqqagassalerinerani aningaasartuutitut tamanut akiliisussaataapput.

Eqqagassalerinermut akit kommunip akigitinneqartartut nalunaarsuiffiani atuuttumi takuneqarsinnaapput. Kommunip akigitinneqartartunut nalunaarsuiffia kommunip nittartagaani pissarsiarineqarsinnaavoq imaluunniit Sullissivimmuut kiisalu Teknikkimut Avatangiisinullu Ingerlatsivimmuut saaffiginnikkut pissarsiarineqarsinnaalluni.

Eqqagassaqaalersitsisup immikkoortiterisussaataaneq malinngippagu akit allattorsimaffiat atuuttoq naapertorlugu eqqakkanik pilersitsisoq kukkusumik immikkoortiterisimanermut akiliutissamik akiliisussaataavoq.

Eqqagassanik kukkusumik immikkoortitsikkanik kommunip tigooraavianut tunniussisoqarpat eqqagassanik angallassisoq kukkusumik immikkoortiterinermut akiligassinneqassaaq. Akiliut eqqagassaqaalersitsisumut ingerlateqqinnissaanik angallassisoq pisussaavoq.

§ 5.4 ILISIMATITSISSUTAATITAANEQ

Eqqagassaqaalersitsisut kommunalbestyrelsip peqqusinertigut maleruagassani matumani malittarisassat naapertorlugit eqqagassat iginneqarnerinik uppersaasussaataapput.

Eqqakkat katitigaaneri amerlasusiilu pillugit eqqagassaqaalersitsisup paasissutissanik tamanik tunniussinissaanik kommunalbestyrelse piumasaqarsinnaataavoq, aammalu eqqakkanik passussinermi igitsinermilu avatangiisinut sunniutissai pillugit eqqagassaqaalersitsisartup misissuinissaanik peqqussallugu.

Eqqakkanik katersisartut eqqakkanillu assartuisartut namminersortut eqqagassaqaalersitsisartut kikkut igitsissuttarneraat pillugu tassunga ilanngullugu igitsinerit qanoq akulikitsiginerininik, eqqakkat qanoq amerlatiginerininik suunerinillu aammalu katitigaanerininik kommunalbestyrelse paasissutissanik piumasaqarsinnaataavoq.

§ 5.5 NALUNAARUTIGINNITTUSSAATITAANEQ

Eqqagassaqaalersitsisartut tamarmik eqqakkat mingutsitsinermik kinguneqartitsisimappata nalunaaruteqartussaataapput. Nalunaarutiginninneq Teknikkimut Avatangiisinullu Ingerlatsivimmut tunniunneqassaaq.

Eqqakkat navianartut eqqakkallu sanaartornermit pilersinneqartut nalunaarutiginissaannut imaattunik malittarisassaarpoq:

Eqqakkat navianartut

Eqqagassat avatangiisinut ulorianaatillit qanorluunniit annikitsigigaluarpata suliffeqarfiit eqqagassaqaalersitsisartut tamarmik eqqakkat avatangiisinut navianartut kommunalbestyrelsimut kalerriutigissallugit pisussaataapput.

Suliffeqarfik eqqagassaqaalersitsisoq pilersinneqarpat, tamatumalu kingorna eqqakkat navianaatillit annertuususaat suussilu annertuumik allannguuteqarpata kalerriineq pissaaq.

Kommunalbestyrelsip ilisimassavaa:

- Igitassat avatangiisinut navianartut sorliit pineqarnersut
- Ukiumut annertussuseq
- Eqqagassat qanoq poortorneqarsimanersut
- Akoorneqarneri aamma piginnaasaat, ass. toqunartuunersoq, neriuisartuunersoq il. il.

Paasissutissat taakku kommunalbestyrelsip pissarsiarissavai, peqqutigalugu kommunimi igitassat avatangiisinut navianartut pillugit aaqqiissutissiinissaq akisussaaffigimmagu, taamatullu igitassat avatangiisinut navianartut kommunimi pilersinneqartut passunnissaannut periarfissaqarneq qulakkiissallugu.

Kommunip avataani eqqakkanik navianartunik eqqussineq kingusinnerpaamik sapaatip akunneri arfineq-pingasut qaangiutsinnagit nalunaarutigineqassaaq, tassalu eqqussinissap pilersaarutaasup pinnginnerani. Nalunaaruteqarnermi eqqakkat suut, poortuutit suut ukiumullu amerlassutsit naatsorsuutigisamik qassiuneri nalunaarutigineqassapput. Tamanna pereerpat kommune igitisinissamut periarfissamik innersuussissaaq.

Sanaartornermit eqqagassat

Illuliornermit eqqagassat, nutaamik illuliornermut, allanngortitsinermut nutarterinermut isaterinermullu tunngasut Teknikkimut Avatangiisinullu Ingerlatsivimmut nalunaarutigineqassapput eqqakkat amerlassusii sapaatip akunneranut 50 m³ qaangerpagu. Aammattaaq, suliami ataatsimi sanaartorneq tamakkerlugu, qanorluunniit sapaatip akunneranut eqqakkat pilersinneqartut amerlatigigaluarpata, eqqakkat ataatsimut katillugit 100 m³ qaangerpatigit nalunaaruteqartoqassaaq. Sanaartukkanit eqqakkanik nalunaaruteqarneq immersugassatut atugassiap immersorneratigit nalunaaruteqarneq pissaaq. Immersugassaq kommunip nittartagaanit aaneqarsinnaavoq imaluunnit teknikkeqarfimmut pissarsiariniarneqarsinnaalluni.

§ 5.6 EQQAAVIMMUT AQQUTIT QANOQ ISSUSII

Eqqakkat kommunip aallertarnermik aaqqiissuussinera aqqutigalugu aallertarnermut tunngatillugu ukioq naallugu eqqakkanik aallertussap aallernerani aaneqartussat tigujuuminarnissaat, ersiinnartumiinnissaat eqqaavimmullu aqqutit tikikkuminartuunissaat eqqagasalersitsisup pisussaaffigaa.

Eqqaaviisiviit aqquserngup eqqaanut inissinneqassasut kommunalbestyrelsip piumasarisinnaavaa aammalu aqqusernermit aqquteeqqamilluunniit eqqaaviisiviit inissisimanerisa ungasinnerpaaffissaat aalajangersarsinnaallugu.

Suliffeqarfik aqqusinernit nalinginnaasunit avinngarusimappat qamutininik motorilinnik aqut usisaassuarnit aqutitineqarsinnaassaaq aammalu 350 cm-inik silissuseqarluni 400 cm-inillu portussuseqarluni aporfissaqassanani.

Eqqagassaasiviup akornuteqanngitsumik tikinneqarsinnaanera eqqagassaqalersitsisup akisussaaffigaa. Eqqagassaasivimmut aqut taassumalu eqqaa torersarsimassapput ukiukkullu aputeqaratillu sermeqassanatik. Puussiat eqqagaasiviillu qerrutinnginnissaat allatulluunniit peeruminaallinnginnissaat illumik piginnittup akisussaaffigaa.

Illut nutaat atorineqaleranni, imaluunniit eqqagassaasivinnik nutaanik ikkussisoqarsimatillugu eqqagassaasiviit tummeqatigooqqaarnani tikinneqarsinnaanngorlugit inissinneqassapput.

Suliffeqarfinnissaaq eqqagassaasivinnik inissiinermi piumasaqaatit makku malinneqassapput:

- Inoqutigiit ataasiinaanngitsumik eqqagassasiveqarpata taakku ataatsimuussapput.
- Eqqaavinnut aqut minnerpaamik 90 cm-inik silissuseqassaaq 220 cm-iterinillu portussuseqassalluni.
- Eqqagassiivimmut aqutaa qaammaqquteqarluassaaq. Tassa eqqaavilerisoq sumiissusersiorsinnaassaaq, inuit suullu nalinginnaat takusinnaassallugit aammalu maniinnerat kiisalu eqqagassaasiviup toqqammavia maluginnaassallugit.
- Matut, ungallut matui isaarissallu namminneerlutik ammarsinnaassapput.
- Eqqagassiivimmut aqut inioqqavinnit, biilinit uninngasunit sikkilinit allanilu asserneqassanngilaq.
- Eqqakkanik aallarnerup nalaani eqqagassiivimmut aqut qimmeqassanngilaq.

Eqqagassiiviit ima inissinneqassapput inissiani inuussutissarsiteqarfinnilu qanittumiittuni tipiliornermik akornuserneqannginnissaat qulakkeerneqassalluni.

§ 5.7 EQQAKKAT TOQQORTARINEQARTARNERAT

Eqqagassaqalersitsisup qulakkiissavaa, suliffeqarfimmi, inunnik isumaginnittoqarfimmi imaluunniit umiarsualivimmi eqqagassat immikkoortut pilersinneqartut tamaasa katersuiveqartinneqarnissaat.

Eqqagassiiviit eqqakkanut naatsorsuussanut eqqakkat suunerinik erseqqissumik nalunaaqutserneqassapput. Pisariaqartumik imaarsinissatut nalunaarutigineqarsimasut naleqqersuullugit eqqagassiiviit naammattut tamatigut pigineqarnissaat aammalu imaarsinerit marluk akornanni eqqagassiiviit ulikkaartuunnginnissaat qulakkeerneqassaaq.

Eqqagassaqalersitsisup pisussaaffigaa eqqagassat uninngatinneqarnerini akoorisoqannginnissaa imaluunniit eqqakkat pitsaassusiisa ajorseriaateqannginnissat, taamaalilluni kinguneratigut suliarineqarnerat pisariaqanngitsumik ajornakusoortinneqannginniassamat.

Eqqakkat isumannaatsumik toqqortarineqassapput, taamaasilluni mingutsitsineq eqqiluisaannginnerlu pinaveersaartinneqassammata. Eqqagassat teqqannginnissaat aammalu uumasunit ajoqutaasunit, qimminit, qitsunnit, timmissanit allanillu katersuuffigineqalinnginnissaat eqqagassaqalersitsisup qularnaassallugu pisussaaffigaa.

Eqqagassaqalersitsisup eqqagassiiviit akuttunngitsumik eqqartartussaavai, taamaasilluni eqqakkat kingusinnerusukkut assartorneqarneranni tipiliorfiussanngimmat.

Eqqakkanik ulorianartunik toqqortarininnerup nalaani mingutsitsisoqalissagalarpat tamanna erngerlugu teknikkeqarfinmut nalunaarutigineqassaaq.

Eqqakkat mingutsitsinissamut, eqqiluisaannginnermut allatulluunniit akornutaalernissaannut aarlerinaateqarpata eqqakkat uninngatinneqartut iginneqassanersut kommunalbestyrelsip aalajangersinnaavaa.

Kommunalbestyrelsip aalajangissavaa Avatangiisit illersorneqarnissaat pillugu Inatsisartut inatsisaat nr. 9, 22. novembari 2011-meersumi § 36 naapertorlugu suut eqqakkatut isigineqassanersut isigineqassannginnersulluunniit.

§ 5.8 SALIGAATSUUTITSINEQ

Eqqagassanik sunilluunniit sumiiffinnut inuit nammineq pigisaannut imaluunniit kikkulluunniit tikittagaannut igitsisoqassanngilaq.

Illuutillit pisussaapput illumik avasinnerpaaffianiit avammut 25 meterit iluanni imaluunniit sanilerisamut ungasissusiata affaanut ungasissusillup iluani akuttunngitsumik salisarnissaminnut. Illut pinnguartarfittaqpata assigisaannilluunniit sanaartorfiusimappata taakku salinneqartarnissaat aamma piginnittup pisussaaffigaa.

Umiarsualivinnut oqartussat umiarsualiviup saligaatsuutinissaa akisussaaffigaat.

Pisiniarfinni, kioskini assigisaannilu imeruersaatinik nerisassanillu tuniniaaffiusuni, eqqagassaqalersitsisup pisussaaffigaa pisariaqartitsineq naapertorlugu imaartagassanik eqqagaasivinnik inissiinissani, matusinermullu atatillugu pisiniarfimmi pisanik pisiniarfiup eqqaanut igitsisoqarsimappat saliinissaq suliffeqarfiup piginnittuata pisussaaffigaa.

Suliffiutilik, inunnik sullisivik aamma umiarsialivimiut igitaqarsimappata eqqakkat peerneqarnissaat kommunalbestyrelsip peqqussutigisinnaavaa.

Ukiut tamaasa aputaareernerani kommunimi inoqarfinni tamani innuttaasut najukkamik silataanni aamma pisortatigoortumik kommunalbestyrelse saliisitsisarpoq. Saliineq tusagassiutitigut saqqummiunneqartarpoq. Saliinissamik nalunaaruteqartoqartillugu illumik piginnittut tamarmik illumik eqqaanni saliinissamut pisussaaffeqarput. Maleruaqqusani ukunani malittarisassat naapertorlugit eqqakkat katersorneqartut kommunip eqqagassaleriffianut iginneqassapput.

§ 5.9 EQQAGASSANIK ASSARTUINEQ

Peqqinnissaq avatangiisillu eqqarsaatigalugit eqqakkanik toqqortarinninneq angallassinertu illersorneqarsinnaasumik, maleruagassanilu malittarisassat naapertorlugit isumagineqarnissaat eqqakkanik angallassisartut qulakkeertussaavaat.

Biilit angissusaat, eqqakkanik angallassisut, eqqakkat annertussusaannut suunerinullu naleqquttuussapput. Aamma ima usilersorneqassapput eqqakkat nikissinnaajunnaarlugit imaluunniit angallanneqarnerini nakkaasinnaajunnaarlugit.

Eqqakkat tinginnaveerlugit eqqakkallu katersornerini angallannerinilu imerpalasut aqqusinermut kusersinnaajunnaarlugit uninngatitsivinnik biilinillu angallanneqassapput. Angallassinermi eqqakkat siammaannariaanngitsut imerpalasulluunniit mingutsitsissagaluarpata eqqakkanik angallassisartoq / katersuisartoq ingerlaannaq katersisussaallunilu aamma/imaluunniit salisussaataitaavoq, aammalu mingutsitsineq pillugu teknikkeqarfimmut nalunaaruteqartussaataitaalluni.

Eqqakkanik angallassisartut katersisartullu eqqortumik uppenarsaateqarnermikkut kommunimi nakkutilliisut eqqakkanik angallassisup eqqakkanik passussineranik, tamatumunnga ilanngullugit atortut, katersinerup akulikissusianik, imarisaanik eqqakkallu suminngaanneerfiinik, nalunaarsorneqarnerinik il.il. misissuisitsisussaataitaapput.

§ 6 IMMIKKUT AAQQISSUUSINERIT

§ 6.1 UMIARSUALIVINNI EQQAGASSANIK TIGOORAASARNEQ

Maleruaqqusat uku naapertorlugit umiarsualiviit umiarsuarnit eqqakkanut tigooraavinnik pilersitsisussaataapput. Tigooraavinnik pilersitsisoqartussaavoq, taamaasillutik eqqakkat umiarsualivimmi suuneri apeqqutaatillugit immikkoortiterneqarniassammata, kingusinnerusukkut kommunip aaqqissuussinerinut, maleruaqqusami matumani allaaserisatut iginneqarniassammata.

Umiarsualivimmi tigooraavimmit kommunip tigooraaviinut eqqakkanik igitsinermut atatillugu umiarsualivik tassaavoq eqqagassaqaalersitsisoq, taamaasillunilu maleruaqqusani matumani najoqqutassanik malinnittussaataasooq.

§ 6.2 INEQARFIIT EQQAANNI EQQAGASSANIK TIGOORAANERMIK AAQQISSUUSSINEQ

Maleruaqqusani ukunani najoqqutassat naapertorlugit inissiaatileqatigiiffiup illuutaasa eqqaanni eqqagassanik tigooraaviliornissamut inissiaatileqatigiit pisussaaffeqarput. Tigooraavinnik pilersitsisoqartussaavoq, taamaasillutik eqqakkat inissiaatileqatigiit najugaqarfiutaanni suuneri apeqqutaatillugit immikkoortiterneqarniassammata, kingusinnerusukkullu kommunip aaqqissuussinerinut maleruaqqusami matumani allaaserisatut iginneqarniassammata.

Tigooraanermut aaqqissuussinerimi ineqarfinni kommunip tigooraaviinut eqqakkanik igitsinermut atatillugu inissiaatileqatigiiffik tassaavoq eqqagassaqaalersitsisusooq, taamaasillunilu ileqqoreqqusani matumani malittarisassanik malinnittussaataasooq.

§ 6.3 MISISSUEQQISSAARNERMIT AATSITASSARSIORNERMILLU EQQAGASSAT PILLUGIT MALITTARISASSAT IMMIKKUT ITTUT

Sanaartorfiit suliffeqarfiillu eqqagassaatininnik igitassanngorlugit, atoqqitassanngorlugit imaluunniit allatut pisassanngorlugit imaatigut assartuisartut umiarsuarnit eqqagassanik tigooraasarnermut aaqqissuussineq § 6.1-imi nassuiarneqartoq atussavaat.

§ 7 NAKKUTILLINEQ AQUTSINERLU

Eqqakkat inatsisit atuuttut aammalu maleruaqqusani ukunani aalajangersakkat naapertorlugit passunneqarnissaannik, toqqortarineqarnissaannik iginneqartarnissaannillu aqutseqqullugu nakkutilleeqqullugulu Teknikkimut Avatangiisinullu Ingerlatsivik kommunalbestyrelsimiit pisinnaatinneqarpoq.

Avatangiisit illersorneqarnissaannik Inatsisartut inatsisaat nr. 9, 22. november 2011-imeersoq najoqqutatalugu maleruaqqusanut tunngatillugu kommunalbestyrelse pissutsinut atuuttunut peqqusisinnaavoq inerteqquteqartitsisinnaallunilu, aamma kap. 12 aamma 13, Igitassanik eqqaasarneq pillugu Namminersornerullutik Oqartussat nalunaarutaat nr. 28, 17. september 1993-imeersoq, kap. 7, aamma Oliakunit akuutissanillu eqqagassat pillugit Namminersornerullutik Oqartussat nalunaarutaat nr. 29, 17. september 1993-imeersoq, kap. 6.

Peqqussut imaluunniit inerteqqut piffissaliunneqartup iluani malinneqanngippat akisussaasup akiligaanik suliaasaq kommunalbestyrelsip suliaritissinnaavaa. Mingutsitsineq taassumaluunniit siammarnernerunissaa pinngitsoortikkumallugu erngerluni iliuuseqarnissaq pisariaqarpat kommunalbestyrelse peqquseqqaanngikkaluarluni aammalu akisussaasumut akiligassiilluni iliuuseqarsinnaatitaavoq, tak.

Avatangiisit illersorneqarnissaannik Inatsisartut inatsisaanni nr. 9, 22. november 2011-emeersumi § 51. Tamanna pinasuartumik iliuuseqarneq allakkatigut aalajangiinermik tamatigut malitseqartassaaq.

Avatangiisit innarlitsaaliorneqarnissaannik Inatsisartut inatsisaat nr. 9, 22. november 2011-meersumi § 47 naapertorlugu eqqagassaqaalersitsisartut kommunip nakkutilliisuinik eqqortumik uppenarsaatilinnik iseqqusisinnaatitaapput.

§ 8 AKILIUTEQARTITSINEQ

Eqqagassaqaalersitsisartut tamarmik kommunip eqqagassalerinerani aningaasartuutitut tamanut matussutissanik akiligassiissutininik akiliisarnissartik pisussaaffigaat.

Avatangiisit innarlitsaaliorneqarnissaannik Inatsisartut inatsisaat nr. 9, 22. november 2011-meersuq § 39 naapertorlugu kommunalbestyrelse akiliutigittagassanik aalajangersaasarpoq. Akiliutigittakkat qanoq amerlatiginissaat ukiumut ataasiarlutik akuersissutigineqartassapput. Akiliutigittagassat amerlassusissaat akuersissutigineqareerpata kommunalbestyrelsip akit najukkami nalunaarutigissavaa.

Eqqagassalerinermut akit kommunimi akigitat nalunaarsuiffianniipput. Kommunip sullissinerinut akiliutit qaqugukkulluunniit atuuttut kommunip nittartagaanit aaneqarsinnaapput imaluunniit Teknikkeqarfimmut Sullissivimmulluunniit saaffigininnikkut pissarsiarineqarsinnaallutik.

Aaqjissuussinerit immikkuullarissut saniatigut, soorlu eqqakkanik katersinermi akiliutigittakkanut tunngatillugu kommunalbestyrelse kommunip pilersaarusiornernut, allaffissorneranut maleruqaqusaliorneranut allanullu matussutissanik akiliuteqartitsiniarluni aalajangersaasinnaavoq.

Eqqagassaqaalersitsisartut maleruqaqusanut ukununga ilaatinneqartut kommunimit eqqakkanut akiliutigittakkanik aalajangersaanermi sunniuteqarsinnaasunik allannguutininik kommunimut nalunaaruteqartassapput. Assersuutigalugu tassaasinnaapput suliffeqarfimmit, sulisoqarfimmit imaluunniit umiarsualivimmit eqqakkat amerlassusiat aammalu eqqakkat suunerinut tunngasut annertuumik allannguuteqarsimanerat.

Assersuutigalugu eqqagassalerinermut ilaasutut nalunaarsimasunut qaammatit pingasukkaarlugit akiligassiisoqartarpoq.

Illoqarfinni kommunip eqqakkanik tiqooqqaaviinut tunniussisarnermi qaammatikkaartumik akiliuteqartoqartarpoq.

Kukkusumik eqqakkanik immikkoortiterisimanermut akiliut

Eqqunngitsumik immikkoortiterneqarsimanera paasineqarpat akigitat allattorsimaffiat malillugu eqqunngitsumik immikkoortiterinermut akiligassiisoqassaaq.

Eqqagassaqaalersitsisut nunaqarfinneersut imaluunniit suliffeqarfiit avataaneersut aalajangersimasumik najugaqarfeqanngitsut

Piumasarineqarpoq suliffeqarfiit aalajangersimasumik najugaqarfeqaratik kommunimi nunaqarfiit ilaanniittut, taamatuttaaq suliffeqarfiit nunanit allaneersut Kommune Kujallermi eqqagassaqaalersitsisut eqqaanermut akiligassinneqarnissaat siunertarlugu kommunalbestyrelsimut nalunaarnissaminnik pisussaaffeqarput. Akiliutip annertussusia kommunip eqqagassalerinermut aningaasartuutai naapertorlugit aalajangersarneqassaaq.

Pingaartumik illoqarfinni inuussutissarsiortunut tunngatillugu

Inuussutissarsiortut Qaortumi, Narsami Nanortalimmilu kommunip eqqagassanik tigooraaviinut tunniussigaangata tunniussinermi akiliuteqartitsisoqartarpoq. Akiliutissaq eqqagassanik assartuisumut / katersuisumut eqqagassanik tunniussisumut akiligassiissutigineqartarpoq. Eqqagassanik kukkusumik immikkoortitsikkanik kommunip tigooraavianut tunniussisoqarpat eqqagassanik angallassisoq kukkusumik immikkoortiterinermut akiligassinneqassaaq. Akiliutip eqqagassaqaalersitsisumut ingerlateqqinnissaanik angallassisoq pisussaavoq.

Pingaartumik nunaqarfinni inuussutissarsiortunut tunngatillugu

Kommunip nunaqarfiini eqqagassaqalersitsisartut najugaqavissut tunngaviusumik pinngitsooratik akiligassaannik kommunalbestyrelse aalajangersagaqarpoq. Kommunip nunaqarfiini suliffeqarfiit, inunnik sullissiviit umiarsualiviillu eqqagassanik kommunip eqqakkanik tigooraaviinut / atoqqiiviinut toqqaannartumik igitsisarnerannut kommunip aningaasartuutai tunngaviusumik akiligassiisutip matussusertarpai.

Suliffeqarfiit qitiusumik nalunaarsorneqarfiat (Det Centrale Virksomhedsregister (CVR) Virk Data) tunngavigalugu suliffeqarfiit nalunaarsorneqarsimasut tunngaviusumik akiliummik akiligassinneqassapput, imaluunniit suliffeqarfiit sorliit saniatigut kommunalbestyrelsip nunaqarfinni ingerlanneqartut nalunaarsorsimasai aallaavigalugit.

Suliffeqarfiit nunaqarfiit arlaanni aalajangersimasumik angerlarsimaffeqartut taamaattoarli illoqarfinni kommunip eqqakkanik tigooraaviinut eqqakkanik igitsiartortartut, akigitinneqartut allattorsimaffiat najoqqutaralugu illoqarfinni inuussutissarsiortut akilutaannik akiliummik akiliisussaataapput.

§ 8.1 SULIFFEQARFIIT NUNANIT ALLANEERSUT NALUNAARSORNEQARTARNERAT

Piumasarineqarpoq suliffeqarfiit nunanit allaneersut, Kalaallit Nunaanni aalajangersimasumik najugaqarfeqanngitsut Kommune Kujallermi eqqagagassalersitsunik suliaqartut eqqagassalerinermut akiliutit allallu akilersinniarneqartarnissaat siunertaralugu kommunalbestyrelsimut nalunaarnissaminnik pisussaaffeqassasut.

§ 9 IMMIKKUT AKUERSISSUTIT

Uuliakunit akuutissanillu eqqagassat pillugit Namminersornerullutik Oqartussat nalunaarutaat nr. 29, 17. september 1993-imeersumi § 10 innersuussutigalugu Namminersorlutik Oqartussat immikkut ittumik pisoqartillugu qinnuteqaateqarnikkut suliffeqarfiit uuliakunik akuutissanillu eqqagassanik tunniussisussaataitanerat pisussaajunnaartitsisinnaapput.

§ 10 SAAFFIGINNINNEQ NAAMMAGITTAALLIORNERLU

Maleruaqqusani aalajangersakkat taakkulu atortinneqarneri pillugit saaffiginissutit naammagittaalliutillu kommunalbestyrelsimut suliami aalajangiisussaataasumut ingerlatinneqassapput.

Kommunalbestyrelsip aalajangiineri naammagittaalliutigineqarsinnaapput uunga: Avatangiisit pillugit Naammagittaalliuteqartarfik c/o Siunnersuisoqatigiinnut Aalajangiisartunullu Aqutsisoqarfik, Postboks 689, 3900 Nuuk. Kommunalbestyrelsip aalajangernerminik naammagittaalliuteqartumut ullormi nalunaaruteqarfianiit naammagittaalliuteqarnissamut sapaatip akunneri arfinillit piffissaritinneqarput.

§ 11 UNIOQQUTITSINEQ KINGUNEQARTITSINERLU

Maleruaqqusani ukunani malittarisassanik unioqqutitsineq imaluunniit maleruagassat uku pillugit peqqusinernik inerteqquteqarnermilluunniit unioqqutitsineq akiligassiisuteqarnermik kinguneqartitsissutigineqassaaq, Igitassanik eqqaasarneq pillugu Namminersornerullutik Oqartussat nalunaarutaat nr. 28, 17. september 1993-imeersumi § 25, nr. 3, aamma Uuliakunit akuutissanillu eqqagassat pillugit Namminersornerullutik Oqartussat nalunaarutaat nr. 29, 17. september 1993-imeersumi § 18, nr. 3 kiisalu Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersumi § 66, imm. 1 nr., nr. 4 naapertorlugit.

§ 12 PIGINNAATITSINEQ

Kommunalbestyrelsip Teknikkimut Avatangiisinullu Ingerlatsivik makkununnga piginnaatippaa:

- maleruaqqusat uku naapertorlugit oqartussaasut aalajangiinissaat
- eqqagassalerineq pillugu aaqqissuussinerit ingerlanneqarnissaat qularnaarniarlugu pisarialinnik isumaqatigiissusiornissaq
- Maleruaqqusani malittarisassanut tunngatillugu unnerluffissaliornissaq aamma ingerlariaatsinik najoqqutassanillu suliaqarnissaq

§ 13 ATORTUULERSITSINEQ

Maleruaqqoreqqusat uku atuutilerput XX-XX-XXXX.

Maleruaqqusat uku atortuulersinneqarnerat ilutigalugu makku atorunnaarsinneqarput :

- 1) Inuussutissarsiortunit eqqagassat pillugit maleruaqqusat, Kommune Kujalleq 2020

Kommune Kujallerimi kommunalbestyrelsimit akuerineqartut ulloq XX-XX-XXXX

Kista P. Isaksen
Borgmesteri

Dorthe Bidstrup
Pisortaanerugallartoq

§ 14 EQQAGASSAT ULLUINNARNI EQQAGASSANUT ASSINGUSUT

§ 14.1 EQQAGASSAT ULLUINNARNI EQQAGASSANUT ASSINGUSUT SUUPPAT?

Eqqagassat ulluinnarni eqqagassanut assingusut suussutsimikkut assigiinngitsukkuutaarnermikkullu inuit namminneq angerlarsimaffiini eqqagassanut assingusuupput. Assersuutigalugu tassaapput kantiinanit, sulisoqarfinit neriniartarfinit, nerisitsivinnillu assingusunit nerisakut, aammalu eqqakkat asiujasut allat, eqqiluisaarnermik ajornartorsiortitsisinnaasut. Eqqakkat eqqakkanut assingusut tassaapput:

- piniarnermi pisat igitassartaat
- sanngit
- eqqiluisaarnermit igitat soorlu nangit pappiaqqat
- Igaffimmit igitassat
- nerisakut
- poortuutissat annikinnerit soorlu juicep aamma immuit puukui aammalu pappiaqqat/qeratasuullu ipertuut

§ 14.2 AAQQISSUUSSAQ KIKKUNNUT ATUUPPA?

Kommunimi illoqarfinni nunaqarfinnilu suliffeqarfinnut, inunnik sullissivinnut umiarsualivinnut tamanut.

Suliffeqarfiit nerisassanik asiujasunillu allanik igitassaateqarneq ajortut, assersuutigalugu kantiinat, sullissiveqarfiit, neriniartarfiit allallu, eqqiluisaarnikkut ajornartorsiutitsisinnaasut Kommune Kujallermut tamanna uppersinnaagunikku eqqagassanut ikuallagassaqqissunut ilanngullugit igitassinissamut akuersissummik pissarsisinnaapput. Teknikkimut Avatangiisinullu Ingerlatsivik attavigalugu akuersissummik pissarsisoqarsinnaavoq.

§ 14.3 AAQQISSUUSSINERMUT NASSUIAAT

Katersinissamik aaqqissuussineq aaqqissuussineruvoq aallernermik aaqqissuussinerusoq, matumani inuussutissarsiortuni ataasiakkaani eqqagassat nalinginnaasut katersorneqartarmata.

Sumiiffiit ilaannit kommunimi sulisut katersisarput, allanili eqqakkanik katersisartut namminersorlutik suliffiutillit katersisarlutik.

Inissiaatileqatigiiffiit eqqaavinnut inaalitsivinnik, eqqakkanut sullukkoortitsivinnik, containerinik ataatsimoorussanik assigisaannilluunniit inissiaatileqatigiiffiup illuutaani inoqutigiinnut ataasiakkaanut peqartitsisussaataapput kiisalu eqqagassalerinermik aaqqissuussamut nalunaartussaallutik. Eqqagassat passunneqarnerannut, toqqortarineqarnerannut iginneqartanerannullu malittarisassat najugaqarfinni malinneqarnissaat inissiaatileqatigiiffiup qularnaassallugu pisussaaffigaa. Inoqutigiit ataasiakkaat inissiaatileqatigiit eqqagassalerinermut aaqqissuussunerit toqqagaat atussallugit pisussaataapput, eqqagassat pilerrfi aallaavigalugit immikkoortiterisarneq pillugu malittarisassat atuuttut eqquutsinnissaat pisussaafigalugu, tassa *Angerlarsimaffinni eqqagassalerineq pillugu maleruaqqusat* najoqqutarlugit.

§ 14.4 EQQAAVISIVIIT

Suliffeqarfiit, inunnik sullissiviit umiarsualiviillu namminneq akilikkaminnik eqqagassanut ulluinnarni eqqagassanngortartunut assingusunut naammattunik eqqaaviissiveqarnissaq taakkuninngalu aserfallatsaaliinissaq pisussaaffigaa.

Eqqaaviisiviit imatut ilusilersugaassapput imalu pitsaatigissallutik imarisaat uumasunit akornutaasinnaasunit, qimminit tulukkanillu serlersaarfigineqarsinnaassanatik.

Eqqaaviisiviup qanoq ittuussusia illoqarfimmi Teknikkeqarfimmit akuerineqarsimasussaavoq. Kommunalbestyrelsip eqqaaviisivimmik ataatsimik arlallinnilluunniit aalajangersimasunik atuisoqarnissaa peqqussutigisinnaavaa.

Eqqaaviisiviit puussiarsualertakkat atorneqarpata kommunip tunniussai imaluunniit akuerisai kisimik atorneqassapput.

Eqqagassaqaalersitsisup eqqaaviisiviit naleqquttumik imaqsinnaassusaat aammalu eqqaaviisivinnik imaarsinerit marluk akornanni ulikkaarpallaannginnissaat qulakkiissallugu pisussaaffigaa. Eqqaaviisiviit arlaleriarlutik ulikkaarpallaarneqartarpata eqqaaviisiviit amerlineqarnissaa nalunaarutigeqqullugu kommunip eqqagassaqaalersitsisoq peqqusinnaavaa.

§ 14.5 EQQAAVIISIVINNIK INISSINEQ

Eqqaaviisiviit ersiinnartumi eqqaavilerisumullu ukioq naallugu imaarsinermut tunngatillugu eqqaaviisivimmut aqqup tikikkuminartunissaa qulakkeerlugu inissineqassapput. Aamma eqqaavilerisup imaarsiniarnermini peqqissutsikkut isumannaallisaanikkullu illersorneqarsinnaanissaa inissiinermi qularnaarneqassaaq.

Allakkut takussagukku § 5.6 EQQAAVIISIVIMMUT AQQUT/TIKIKKUMINARSAANEQ

§ 14.6 EQQAAVIISIVIIT ATORNEQARNERAT IMMERNEQARTARNERALLU

Marlunnik aallernerit akornanni eqqaaviisiviit ulikkaannginnissaat aammalu eqqaaviisivimmi eqqakkat kiggigutinnginnissaat eqqagassaqaalersitsisup qulakkiissallugu pisussaaffigaa. Eqqaaviisiviit matui matulluarsinnaassapput silaannaq, imeq, sermeq, qaarsoq issorlu mingutsinneqartussaajunnaarlugit, aammalu uumasunit serlersaarfigineqarsinnaajunnaarlugit. Eqqaaviisiviit arlaleriarlutik ulikkaarpallaarneqartarpata kommune sioqqutilluni kallerreereernikkut eqqaaviisiviit amerlineqarnissaannik peqqussuteqarsinnaavoq. Inissiaqarfinni eqqagassalerinermi inissiaatileqatigiiffik tamatumunnga akisussaavoq.

Eqqagassiviit ulikkaarpallaarsimappata eqqagassalerisup imaanngiinnarsinnaavaa.

Eqqagassiviit § 14.1-imi nassuiaatigineqartut naapertorlugit eqqakkanik taamaallaat immerneqassapput. Eqqaaviisiviit eqqakkat immikkoortiteriikkat saniatigut allanik immerneqarsimappat Teknikkimut Avatangiisinullu Ingerlatsiviup eqqagassanik pilersitsisoq saaffigissavaa immikkoortiterisussaataitanermi malittarisassat atuuttut maleqqullugit. Kukkusumik immikkoortiterisoqaannavippat suliamut tunngatillugu kommunalbestyrelse naalakkiuteqarsinnaavoq, maleruqaqusani matumani § 12 Unioqqutitsinermi kinguneqartitsinermilu maleruqaqusat innersuussutigalugit.

Eqqagassalerisup inoqutigiit kommunalbestyrelsilu eqqagassat ilanngunneqarsimannginnerinik peqqutaasoq ilisimatitsissutigisimappagu eqqakkat kukkusumik immikkoortitikkat tigusissaannut eqqagassalerisoq pisussaannigilaq.

Paaq, arsakut ikumanerlukullu eqqaaviisivimmut inissineqartigatik nillorluinnarsimassapput poortorneqarsimassallutillu.

Igitassat ipittut, inngigissut, kiisalu eqqakkat pujoralattut, isugutattut mingutuullu eqqaavimmuut inissineqannginneranni isumannaatsumik poorneqarsimassapput, taamaalilluni inunnik pussiarsuarmilluunniit/eqqaavimmilluunniit ajoqusiisinnaassanatik.

Eqqakkat masattut isumannaatsumik poorneqarsimassapput, taamaaliornikkut imerpalasup seerisup eqqakkat eqqaaviisivimmuut qerrutinnginniassammata, taamaalillunilu aallerneq pinngitsoortillugu.

Puussiarsuarnut inaalitsiviit atorneqarpata, taakku annerpaamik puussiarsuarmik immiinermi killissatut titarnerup nalaanut immerneqassapput. Puussiarsuit immernissaannut killilernerqanngitsut atorneqarpata puussiarsuaq matusinnaajunnaarlugu ulikkaarpallaarneqassanngilaq.

Puussiarsuit ulikkaartut 20 kiilunit oqimaannerussanngillat.

§ 14.7 SALIGAATSUUTITSINEQ

Eqqagassaqaalersitsisup eqqaaviisiviit pitsaasuunissaat saligaatsuunissaallu pisussaaffigaa. Eqqaaviisiviit pisariaqartitsineq naapertorlugu asanneqartassapput, taamaasillutik eqqaanni tipiliortoqannginniassammat.

Eqqaaviisiviit inaat pitsaasuullunilu saligaatsuutinneqassaaq.

Ulluinnarni eqqakkanut assingusunik uninngatitsineq mingutsitsinermik, eqqiluisaannginnermik imaluunniit uumasunik ajoqutaasunik pilersitsinermik kinguneqassanngilaq.

§ 14.8 AALLERNEQ

Suliffeqarfittut nalunaarsimasumi ataatsimi eqqakkat sapaatip akunneranut ataasiarluni aaneqartassapput. Sapaatip akunnerani ulluni aalajangersimasuni piffisami nal. 7.00-ip aamma nal. 18.00-ip akornanni aallertoqartassaaq.

Ullut aallerfiusussat eqqagassalerinermi aaqqissuussinermut peqataaniarluni nalunaaruteqarnermi paasissutissiissutigineqassapput imaluunniit Teknikkimut Avatangiisinullu Ingerlatsivimmuut imaluunniit eqqagassalerisumuut nalunaaruteqarnikkut.

Nalliuttunut, siumut ilimagereerneq ajornartunut (apineq, nilakkarneq, anorersuit il. il) aamma allanut tunngatillugu ullut aallerfiusartut utaqqiisaasumik illuarsinnaapput.

Ulluni arlalinni ataqatigiissuni ataavartumik silap qanoq issusia siumut ilimagereererneq ajornarallartillugu eqqakkat aaneqanngitsut tulliani nalinginnaasumik ullumi aallertarfiusumi aaneqassapput, imatut paasillugu eqqakkat puussiarsuarnut poortorlugit eqitikkat saniatigut akiliinertaqanngitsumik aaneqassapput.

Eqqakkat aaneqarnissaasa tungaanut eqqagassaqaalersitsisup eqqakkat akisussaaffissavai, eqqakkallu isumannaatsumik toqqorsimassallugit.

Ullumi aallertarfiusumi nal. 07.00 nallertinnagu eqqaaviisivinnut aqqutip taassumalu eqqaata aputaajarnissaa siorarterneqarnissaalu eqqagassaqaalersitsisup qulakkiissallugu pisussaaffigaa. Eqqaaviisiviit ajornaquteqanngitsumik ammarsinnaallutillu imaarneqarsinnaassapput.

§ 14.8.1 EQQAKKAT AANEQARSIMANNGITSUT

Eqqakkat aaneqarsimanngippata Sullissivik imaluunniit Teknikkimut Avatangiisinullu Ingerlatsivik attavigineqassapput. Eqqakkat aaneqanngitsoorsimanerat paasineqarpat piaartumik kingusinnerpaamillu ulluinnaap ataatsip qaangiunnerani Sullissivik imaluunniit Teknikkimut Avatangiisinullu Ingerlatsivik attavigineqassaaq.

Eqqakkat piffissaq eqqorlugu aaneqarsimanngippata eqqagagassaqaaleritsisullu Sullissivik imaluunniit Teknikkimut Avatangiisinullu Ingerlatsivik ulluinnaap ataatsip ingerlanerani nalunaarfisimanngippagu tullissaannik imaarsinissaq sioqqullugu igitassat kommunip eqqagassalerivianut igikkiartorneqarnissaat eqqagassaqaalersitsisup nammineerluni akisussaaffigaa. Tamatumani immikkut aningaasartuutaajunnartut eqqagassaqaalersitsisup akilissavai.

§ 14.9 NALUNAARTUSSAATITAANEQ TAAMAATITSINERMILU NALUNAARTUSSAATITAANEQ

Nalunaarneq

Suliffeqarfiit tamarmik ulluinnarni eqqakkanik assingusunik eqqagassaqaalersitsisartut eqqagassalerinermut aaqqissuussinermut tunngatillugu najugaqarfiusoq nalunaarutigissallugu pisussaaffigaat. Taakkunannga ilaatinneqanngitsut tassaapput eqqagassaqaalersitsisut § 15.2-imi aalajangersakkanik eqquutsitsisartut TAAKKUNUNNGALU AAQQISSUUSSINEQ ATUUPPOQ, taamatullu eqqakkanut ikuallanneqarsinnaasunut ilanngussilluni igitsinissamik immikkut akuersissuteqaalersimasuullutik.

Eqqagassaqaalersitsut suliffeqarfimmik najugaqarfia "Det Centrale Virksomhedsregister (CVR) Virk Data"-mut nalunaarutigneqarsimatillugu ulluinnarni eqqakkanut assingusunut aaqqissuussinermut nalunaarsimasussaataapput, imaluunniit suliffeqarfiup ingerlanneqarnera kommunalbestyrelsip nalunaarsorsimappagu.

Kommunip aaqqissuussinernut nalunaarneq kommunip nittartagaa aqputigalugu Sullissivimmut saaffiginninnikkut pissaaq. Nalunaarnissamut taamaatitsinermilu nalunaarnermik immersugassaq kommunip nittartagaani aaneqarsinnaavoq, kiisalu Teknikkimut Avatangiisinullu Ingerlatsivimmut saaffiginninnikkut immersuiffissat pissarsiarineqarsinnaallutik. Nalunaarnissamut taamaatitsinermilu nalunaarnermik immersugassaq pinngitsoorani atorneqassaaq.

Suliffeqarfiup, inunnik sullissiveqarfiup imaluunniit umiarsualiviup sapaatit akunnerannut naammattumik eqqaaviit imaarneqartarnissaannut nalunaarsimanissaat eqqagassaqaalersitsisup pisussaaffigaa. Eqqagassaqaalersitsisut sapaatip akunneranut naammattumik imaarsisitsisarnissamut nalunaarsimanngitsut kommunalbestyrelsip nalilerpagit eqqagassaqaalersitsisup sapaatip akunneranut arlaleriarluni eqqaavinnik imaarsisitsisarnissamik nalunaarnissaa piumasarineqassaaq.

Eqqagassaqaalersitsisartup, naak pisussaaffigigaluarlugu, eqqagassalerinermi aaqqissuussinernut peqataanarluni nalunaarsimanngitsaq kommunalbestyrelsip paasippagu, kommunalbestyrelsip eqqagassaqaalersitsisartup aaqqissuussinermut nalunaarnissaa piumasaqaatigisinnaavaa. Ingasattumik imaluunniit arlaleriarluni unioqqutitsisoqartillugu politiinut nalunaarutiginnittoqarsinnaavoq.

Nalunaarneq allannguinerillu kingusinnerpaamik sapaatip akunneranik ataatsimik siumut ilisimatitsinikkut Kommune Kujallermut nalunaarutigneqartassapput.

Taamaatitsinermik nalunaaruteqarneq

Nuunnermi aamma / imaluunniit najugaqarfigisami suliffeqarfimmik ingerlatsineq unippat eqqagassaqaalersitsisoq atuisuujunnaarnerminik nalunaartussaataavoq. Kommunip aaqqissuussinernik taamaatitsineq kommunip Sullissivianut saaffiginninnikkut naammassineqarsinnaavoq. Nalunaarnermut aamma taamaatitsinermiut tunngatillugu immersugassaq kommunip nittartagaani aaneqarsinnaavoq, kiisalu Teknikkimut Avatangiisinullu Ingerlatsivimmut saaffiginninnikkut immersuiffissat pissarsiarineqarsinnaallutik. Nalunaarnissamut taamaatitsinermullu nalunaarnermik immersugassaq pinngitsoorani atorneqassaaq.

Eqqagassaqaalersitsisoq atuisuujunnaarnerminik nalunaarsimanngippat eqqagassaqaalersitsisup allap najugaqarfimmi tassani atuisunngornerminik nalunaarnissaata tungaanut imaluunniit Teknikkeqarfiup atuisuunermik kipititsinissaata tungaanut pineqartoq aaqqissuussinermut peqataanerminut akiliisarnissaminik pisussaaffeqarpoq.

Suliffeqarfik "Det Centrale Virksomhedsregister (CVR) Virk Data"-mi nalunaarsorneqarsimagallartillugu, imaluunniit illuummi suliffeqarfittut ingerlatsineq ersarikkallartillugu Teknikkimut Avatangiisinullu Ingerlatsiviup naatsorsuutigissavaa suliffeqarfik suli ingerlanneqartoq, taamaammallu eqqagassalerinermut akiliinissani pãisussaaffigigaa.

Nalunaarneq allannguinerillunniit kingusinnerpaamik sapaatip akunneranik ataatsimik siumut ilisimatitsinikkut Kommune Kujallermut nalunaarutigneqartassapput.

§ 15 EQQAGASSAT ULORIANARTUT, ATORTUKUT SARFATORTUT AAMMA NILLATAARTITSIVIIT/QERITITSIVIIT

§ 15.1 EQQAGASSAT ULORIANARTUT, ATORTUKUT SARFATORTUT AAMMA NILLATAARTITSIVIIT/QERITITSIVIIT SUUPPAT?

Inuussutissarsiortunit **eqqakkat ulorianartut** tassaasinnaapput kemikaliat sinnikui, uuliakut, pærit atuinikitsut, qullit sullullit, akkumulatorit, kiisalu puukut navianartunut atorneqarsimasut, soorlu qalipaatinut spandit, seqqartaatit uuliallu puukui.

Aamma tassaasinnaapput ilanngussaq 1-imi imaluunniit 2-mi Uuliakunit akuutissanillu eqqagassat pillugit Namminersornerullutik Oqartussat nalunaarutaat nr. 29, 17. september 1993-imeersumi taaneqartut imaluunniit nalunaarummi ilanngussaq 1-imi 2-milu taaneqartunut assingusut. Assersuutigalugu perrasaatit, naqitsinermi qalipaatiit, qerinaveersaatit, pujoralaat asbestitallit, eqqagassat PCB-illit, assinik ersersaanermi akuutissat, asaatiit arrorsaatinut atorsimasut kiisalu laboratorianiit eqqagassat.

Eqqakkat elektroniskiusut soorlu qarasaasiat, printerit, isiginnaarutit, oqarasuaatit, skærmit sakkullu sarfatortut. Elektronikkimut tunngasut atorsinnaajunnaarnikut tamarmik aaqqissuussinermut ilaatinneqarput.

Nillataartitsiviit/qerititsiviit tassaasinnaapput nillataartitsiviit, qerititsiviit nillusaatillu.

Aaqqissuussineq nakorsaatinut nakorsaatillu sinnikuinut peqqinnissaqarfimmut tunniunneqartussanut, aallaasit imassaannut sakkunullu politiinut tunniunneqartussanut, imaluunniit eqqagassanut qaarsinnaasunut, tuniniaasumut iginnissaat isumagissangortinneqartussanut atuutinngilaq. Eqqakkanik qaarsinnaasunik nassaartoqartillugu politiit attavigineqartassapput.

§ 15.2 AAQQISSUUSSAQ KIKKUNNUT ATUUPPA??

Kommunimi suliffeqarfinnut, inunnik sullissivinnut umiarsualivinnullu tamanut.

§ 15.3 AAQQISSUUSSINERMUT NASSUIAAT

Kommunip illoqarfiini nunaqarfiinilu tamani aatsisarnermik aaqqissuussineq pilersinneqarsimavoq, matumani eqqagassaqalersitsisup nammineerluni eqqagakkanik kommunip eqqakkanik tigooraaviinut assartuineq tunniussinerlu akisussaaffigalugu.

Eqqagassanik ulorianartunik imerpalasunik ukiumut 300 kiilu tikillugu annertussusilinnik kommunip eqqagassalerivianut tunniussisoqarsinnaavoq. Eqqagassanik ulorianartunik imerpalasunik tunniussinermi puui 25 kiilunit imaluunniit 25 literinit annerussanngillat. Tamatumani eqqagassalerivimmi sulisut mianeriniarneqarput. Eqqagassat ulorianartut imerpalasut ukiumut 300 kiilunik sinneqarpata eqqagassat qanoq pineqassanersut erseqqinnerusumik innersuussisoqarnissaa siunertaralugu Teknikkimut Avatangiisinullu Ingerlatsivik attavigineqartassaaq.

Illoqarfiit

Qaqortumi, Narsami aamma Nanortalimmi aatsisarnermut aaqqissuussisoqarpoq, matumani eqqagassaqalersitsisoq nammineerluni eqqakkanik kommunip tigooraaviinut angallassinissamik tunniussinissamillu isumaginnittussaataalluni.

Eqqakkat tigooraavimmi sulisunut tamatigut tunniunneqartassapput. Eqqagassat ulorianartut tunniunneqarneranni uuttorneqassapput suussusaallu allattorneqassallutik, soorluttaaq eqqagassat eqqortumik poortorneqarsimanersut nalilernerqartassasoq.

Nunaqarfiit

Nunaqarfinni aatsinermik aaqqissuussisoqarpoq, matumanilu eqqagassanik pilersitsisoq nammineerluni eqqagassanik kommunimi illoqarfinni eqqagassanik ulorianartunik tigooraavinnut assartuinissamut tunniussinissamullu pisussaaffeqarpoq.

Nunaqarfinni eqqagassanik ulorianartunik igitsinissami Innuttaasunik Sullissivik attavigineqartassaaq. Eqqakkanik usingiaanermi Innuttaasunik Sullissiviup innersuussutai malinneqqartassapput.

§ 15.4 TOQQORSINERMI, PASSUSSINERMI ASSARTUINERMILU PIUMASAQAATIT

Eqqagassat navianartut passunneqartarnerat toqqortarineqartarnerat assartorneqartarnerallu ataatsimut isigalugu

Eqqakkanik navianartunik uninngatitsineq eqqagassaasivinni inissisimaneri, ilusai matulluarsimanerilu eqqarsaatigalugit silaannarmik, nunamik, imermik sikumillu mingutsitsisinnaajunnaarlugit pissaaq. Eqqakkat navianartut sapinngisamik pooreqqaagaannik pooqartinneqassapput, taamaanngippat puuata imai suunersut erseqqissumik nalunaaqutserneqassapput.

Eqqagassaqalersitsisoq eqqakkat ulorianartut puuinik saligaatsuutitsisussaataitaavoq, taamaasilluni sinaanut kuuttoqannginnissaa akulerussuuttoqannginnissaaalu pinaveersaartinneqassammat. Eqqagassat navianartut imerpalasut imaluunniit qajuusaasatut ittut tamatigut poortorneqartassapput. Eqqakkat, pujoralaasunik asbestitaliit, ussittunngorlugit matusartunut poorneqartassapput.

Eqqakkat navianartut assigiinngitsut puumi ataatsimoortumi poorneqassanngillat, aatsaat illersorneqarsinnaasumik poorneqarsimagunik, aalannguunnissamut userarnissamullu qulakkeerneqarsimagunik ataatsimoortinneqarsinnaapput.

Eqqaaviisiiviit imaat susassaqaanngitsunit tiguneqarsinnaasunngorlugit inissinneqassanngillat.

Ingerlatsinermik suliaqartup eqqakkanik tigooraasup kemikaliat imaluunniit eqqakkat navianartut allat allatut poortorneqarnissaat nalilerpagu, piffissaq atorneqartoq naapertorlugu akit allattorsimaffiat atuuttoq naapertorlugu akiliuteqartitsisoqassaaq. Poortuutissianik kukkusunik atuisimanerup kingunerisaanik tigooraavimmi sulisilluni ajoqusertoqarsinnaaneranik kinguneqartumik immikkut itumik pisoqartillugu, taava allatut igitsisinnaanermik innersuussisoqassaaq.

Eqqakkat navianartut passunneqartarnerat poortorneqartarnerallu

Eqqagassat navianartut imerpallanneqassanngillat imaluunniit eqqagassanik ulorianartunik allanik naviananngitsunilluunniit akuneqassanatik.

Suliffeqarfiit navianartunik eqqagassaateqartartut eqqagassat navianartut isumannaatsumik poortorsimanissaat qularnaagassaraat. Najoqqutassat tulliuttut naapertorlugit puui ilusilersorneqarsimassapput:

- Puui ussillutillu matulluartaartuussapput, imarisaat siunertarineqaanngitsumik aniasoortussaajunnaarlugit.
- Puuata sananeqaataa imarisaanik innarlerneqarsinnaassanngilaq imaluunniit navianartumik akuliussinnaassanani allatulluunniit innarlerneqarsinnaassanani.
- Puua ima iluseqassaaq imarisaat isumannaatsumik tamaat ilaannaaluunniit kuineqarsinnaanngorlugu.
- Gassimik pilersoaqarnissaa ilimanarpat isumannaallisaammik matoqartitsisoqassaaq.

Eqqakkanik imerpalasunik uninngasuutineqarneq

Najoqqutassat tulluuttut naapertorlugit eqqakkat navianartut imerpalasut toqqortarineqassapput (tassaakkajupput uuliakut, nillusaatit imerpalasut il. il.):

- Eqqakkat navianartut aammalu kuuffiup / nunap / qaarsup / erngup / sermillu akornanni imaanik siammatsaaliissutit minnerpaamik marluussapput. Imaanik siammatsaaliissutit marluk tassaasinnaapput tankit qaleriinnik iigallit, iikkat arlaat aserorneqalerpat kalerrisaarutitallit. Taarsiullugu toqqorsiviit ataatsimik iigallit atorneqarsinnaapput, tassanngalu aniaratarsinnaasut soorlu natermi suikkaasumi itinernanut unerarfissianut unerartinneqartassallutik imaluunniit isaavimmut / matumut / kuuffimmut ungasilluassallutik (aatsaat natit suikkaappata aammalu eqqagasat ulorianartut annikitsuinnaappata).
- Toqqorsiviit ataatsimik iigallit silamut anorimullu illersugaassapput (soorlu amerlanertigut illup iluaniittussiaallutik) aammalu ima aaqqissorsimassallutik aniasoorutaasut annersaannik katersuiffissaqarluni.
- Toqqorsiviit natermit qatsinnerussapput ussiitsuusinnaasut paasineqarsinnaaqqullugit, aammalu maqisoorutaasinnaasut allat puuinut ajoqusiiisussaajunnaarlugit. Tamannali atussanngilaq pooreqqaagaat puugitinneqarpata, taamalu puuat akuttunngitsumik taarserneqartarpat.
- Poorineqartut silamiikkunik aporneqartussaajunnaarsinneqassapput.

Eqqagassat navianartut imerpalasuunngitsut toqqortarineqartarneri

Najoqqutassat tulluuttut naapertorlugit eqqakkat navianartut imerpalasuunngitsut toqqortarineqassapput:

- Eqqakkat navianartut imerpalasuunngitsut sananeqaatinit navianartunit arroriartortinneqanngissaannut pujoralaliunnginnissaannullu (soorlu siorarterutinit) pisariaqartillugu isumannaarneqassapput. Eqqakkat taama isumannaallisartariaqarnersut misissussallugit suliffeqarfiup nammineq akisussaaffigaa.
- Eqqakkat navianartut imerpalasunik imallit (soorlu akkumulatorit) eqqakkanut navianartunut puutut ataasiinnarmik iigallit nalinginnaasumik isigineqartarput, taamaannerisullu pineqartariaqarlutik.
- Eqqakkat navianartuunngitsut eqqakkanik navianartunik imerpalasunik (soorlu uuliakkunik) avatangiisinut seerisoqaqqunagu sinnikullit silamut anorimullu illersorneqartussanngorlugit toqqortarineqassapput.

§ 16 QISUIT EQQAKKAT

§ 16.1 QISUIT EQQAKKAT SUUPPAT?

Qisuit igitat tassaasinnaapput quassuttuut, sallilikkat, pladit imaluunniit listit nutaamik sanaartorfiusunit, nutarteriffiusunit/allanngortiteriffiusunit, isateriffiusunit imaluunniit sanaartorfiusunit pisut.

Qisuk minguiarneqarsimassaaq, soorlu betonngi, fugemasse, kikissat/qinnerit qajannaarsuutillu piiaarneqarsimassallutik.

Qisuit eqqakkat pingasunut immikkoortinneqartarput:

- 1) Qisuit ingerlaannaq atoqqinneqarsinnaasut
- 2) Qisuit minguppallaanngitsut toqqaannartumik ikuallaavikkoorsinnaasut
- 3) Qisuit minguttut immikkut suliarisariallit

Kommunip pisariaqarsorippagu qisuit eqqakkat pillugit itinerusumik nassuiaasersuinissamut piunasaqarsinnaavoq.

§ 16.2 AAQQISSUUSSINEQ KIKKUNNUT ATUUPPA?

Kommunimi suliffeqarfinnut, inunnik sullissivinnut umiarsualivinnullu.

§ 16.3 AAQQISSUUSSINERMUT NASSUIAAT

Inoqarfinni tamani aatsisarnermik aaqqissuussisoqarpoq, matumani eqqagassaqalersitsisartoq eqqakkanik kommunip tigooraavianukaassinissamik pisussaaffeqarluni.

Kommunip usingiaanissamut immikkoortiterinermullu tunngatillugu malittarisassiai malinneqassapput.

Illoqarfiit

Qisuit eqqakkat immikkoortut 1-2 Qaqortumi ikuallaavimmut imaluunniit Narsami Nanortalimmilu eqqakkanik tigooraavimmut/atoqqiivimmut igitassanngorlugit tunniunneqassapput. Eqqaavimmi sulisumut ingerlatsisumut tunniussisoqartassaaq.

Qisuit igitassat immikkoortoq 3-miittut eqqagassanik ulorianartunik tigooraavinnut tunniunneqartassapput. Eqqaavimmi sulisumut ingerlatsisumut tunniussisoqartassaaq.

Qisuit igitassat immikkoortuni tamaneersut agguarneqarnissaat kommunip illoqarfiini tamani atuuppoq, tunniunneqannginnerinilu annerpaamik 200 x 100 x 50 cm angissusilerlugit aggorneqassapput.

Nunaqarfiit

Nunaqarfinni qisuit immikkoortuni 1-2-miittut qanoq iginneqarnissaannik Innuttaasunik Sullissivik malittarisassaqaarpoq.

Nunaqarfinni qisuit immikkoortumi 3-miittut qanoq iginneqarnissaannik Sullissivik malittarisassaqaarpoq.

Qisuit igitassat immikkoortuni tamaneersut aggorneqarnissaat kommunip nunaqarfiinut tamanut atuuppoq, tunniunneqannginnerini annerpaamik 150 x 75 x 25 cm angissusilerlugit aggorneqassapput.

§ 17 NUNAMERNGIT MINGUTSITAANNGITSUT MINGUTSITALLU

§ 17.1 NUNAMERNGIT MINGUTSITAANNGITSUT MINGUTSITALLU SUUPPAT?

Nunamerngit mingutsitaanngitsut, aamma nunamerngit minguitsutut taasat tassaapput nunamerngit toqqaannartumik atoqqinneqarsinnaasut.

Nunamineq mingutsinneqarsimasoq tassaavoq avatangiisinut aamma/imaluunniit sananeqaatinik ulorianartunik akulik, aammalu avatangiisinik mingutsitsisinnaasutut imaluunniit innuttaasut peqqissusaannut uppersaatitalimmik aarlerinartorsiortitsisinnaasoq.

Inuussutissarsiorfinni nunamineq mingutsitaq assaanikkut imaluunniit uuliamik akuutissanilluunniit nunamut maqisoornikkut pilersinnaavoq.

Nunamineq mingutsinneqarsimasoq kommunip marlunnut immikkoortittarpaa, mingutsinneqarnera apeqqutaatillugu:

1. Nunamerngit mingutsitaanngitsut (nunamerngit minguitsut)
2. Nunamerngit mingutsitat (nunamerngit annikitsumik annertuumiluunniit mingutsitat)

Pisariaqarsorineqarpat nunamerngup misissoqqissaarnissaa kommunip piumasarisinnaavaa.

§ 17.2 AAQQISSUUSAAQ KIKKUNNUT ATUUPPA?

Kommunimi suliffeqarfinnut, inunnik sullissivinnut umiarsualivinnullu tamanut.

§ 17.3 AAQQISSUUSSINERMUT NASSUIAAT

Nunamerngit mingutsitaanngitsut kommunip eqqagassanik tigooraavianut akeqanngitsumik iginneqarsinnaapput. Eqqaavissuarni / atoqqitassanik tigooraavinni nunaminernik mingoqanngitsunik tigooraanissamut aatsaat inissaqartillugu aaqqissuussineq atuuttassaaq. Susasaqarfimmi ingerlatsinermik sulisoq saaffigineqassaaq, taassumalu qalluinnermut immikkoortiterinermullu ilitsersuussutai malinneqassallutik.

Nunamineq mingutsinneqarsimasoq pillugu Teknikkimut Avatangiisinullu Ingerlatsivimmut nalunaarutigineqassaaq, qanoq iliorluni iginneqarnissaanut innersuussisoqarniassammat. Nunaminernik mingutsitsisoqarsimaneranik pasitsaassineq aamma nalunaarutigineqassaaq. Nalunaaruteqarneq imatut iliuuseqarnikkut pisinnaavoq:

1. Ingerlatsinermut Avatangiisinullu Ingerlatsivimmut uunga normumut sianerluni: 70 41 00
2. Emailikkut Kommune Kujallermut uunga: teknik@Kujalleq.gl
3. Allakkatigut uunga: Teknikkimut Avatangiisinullu Ingerlatsivik, Kommune Kujalleq, Postboks 514, 3920 Qaqortoq allakkatigut nassiussinermi

Ingerlatsinermut Avatangiisinullu Ingerlatsivimmiit igitsinissamut periusissamik innersuussisoqartinnagu nunamineq mingutsinneqartoq iginneqassanngilaq.

§ 18 EQQAKKAT IKUALLANNEQARNISSAMINNUT NALEQQUTTUT

§ 18.1 EQQAKKAT IKUALLANNEQARNISSAMINNUT NALEQQUTTUT SUUPPAT?

Eqqakkat ikuallanneqarnissaminnut naleqquttut inuussutissarsiuteqarfinneersut atoqqitassatut, toqqorallagassatut imaluunniit eqqakkatut navianartutut immikkut passunneqarnissaannik piumasaqaatinut ilaatinneqanngitsut, elektronikkit atoqqitassaanngitsut aamma nillataartitsiviit/qerititsiviit. Assersuutigalugu tassaasinnaapput poortuutissat eqqakkat, plastikkit aamma pequtikut toqqaannartumik atoqqinneqarsinnaanngitsut.

§ 18.2 AAQQISSUUSSAQ KIKKUNNUT ATUUPPA?

Kommunimi suliffeqarfinnut, inunnik sullissivinnut umiarsualivinnullu tamanut.

§ 18.3 AAQQISSUUSSINERMUT NASSUIAAT

Illoqarfinni nunaqarfinnilu tamani aatsisarnermik aaqqissuussisoqarpoq, taakkunani eqqagassaqalersitsisartoq eqqakkanik kommunip tigooraavianukaassinissamik pisussaaffeqarluni.

Kommunip usingiaanissamut immikkoortiterinermullu tunngatillugu malittarisassiai malinneqassapput.

Illoqarfiit

Eqqagassat ikuallanneqarsinnaasut Qaqortumi ikuallaavimmut iginneqassapput imaluunniit Narsami aamma Nanortalimmi eqqaavilerivimmut/atoqqiivimmut.

Eqqagassanik assartuisartup kommunimi eqqaavinnik ingerlatsisut attavigisussavai eqqakkallu usingiarnissaat pillugit taassuma ilitersuutai malittussaallugit. Eqqakkat eqqortumik immikkoortiterneqarsimanersut ingerlatsinermut sulisup nalilissavaa.

Eqqagassat ikuallanneqarsinnaasut Qaqortumi, Narsami aamma Nanortalimmi tunniussinnginnermi annerpaamik 200 x 100 x 50 cm-inngorlugit aggorneqassapput. Immikkut ittumik pisoqartillugu eqqagassaleriffimmi ingerlatsinermut sulisup isumaqatigiissuteqarfigineratigut angissutsit taaneqartut sanioqqunneqarsinnaapput.

Nunaqarfiit

Nunaqarfinni Innuttasunik Sullissivik eqqagassat ikuallanneqarsinnaasut inuussutissarsiortuneersut qanoq pineqarnissaannik innersuussissarpoq.

Eqqakkanik usingiaanermik kommunip innersuussutit malissallugit eqqagassalerisup pisussaaffigaa. Kommunimi sulisut eqqakkat eqqortumik immikkoortiterneqarsimanersut nalilissavaat.

Eqqakkat ikuallanneqarsinnaasut kommunip nunaqarfiini eqqakkanik tigoqqavimmut tunniunneqannginnerini annerpaamik 150 x 75 x 25 cm angissusilerlugit aggorneqassapput.

§ 19 SAVIMINIKUT

§ 19.1 SAVIMINIKUT SUUPPAT?

Savimerngit inuussutissarsiortuneersut atoqqitassanngorlugit immikkoortiterneqassapput. Taakku tassaasinaapput qillertuusakut, qajannaarsuutit, ilitsviit savimerngit, ruujorilerisunit ruujorit, illut sinaakkutaat savimerngit kiisalu containerit atorunnaakkat assigisaallu.

Saviminerit assigiinngitsut tassaasinnaapput kanngussaak, messingit, aluminiut, sisaat manngertorniuitsut, aqerlut zinkillit, nikkel, bronze, tin assigisaallu.

§ 19.2 AAQQISSUUSSAQ KIKKUNNUT ATUUPPA?

Kommunimi suliffeqarfinnut, inunnik sullissivinnut umiarsualivinnullu tamanut.

§ 19.3 AAQQISSUUSSINERMUT NASSUIAAT

Inoqarfinni tamani aatsisarnermik aaqqissuussisoqarpoq, matumani eqqagassaqalersitsisartoq eqqakkanik kommunip tigooraavianukaassinissamik pisussaaffeqarluni.

Kommunip usingiaanissamut immikkoortiterinermullu tunngatillugu malittarisassiai malinneqassapput.

Illoqarfiit

Saviminikut Qaortumi, Narsami aamma Nanortalimmi eqqakkanik tigooraavimmut/atoqqiivimmut igikkiartorneqassapput.

Eqqagassanik assartuisartup kommunimi eqqaavinnik ingerlatsisut attavigisussavai eqqakkallu usingiarnissaat pillugit taassuma ilitersuutai malittussaallugit. Eqqakkat eqqortumik immikkoortiterneqarsimanersut ingerlatsinermut sulisup nalilissavaa.

Saviminikut eqqakkanut tigooraavimmut tunniutinnginneranni annerpaamik 200 x 100 x 50 cm-inngorlugit aggorneqassapput. Immikkut ittumik pisoqartillugu eqqagassaleriffimmi ingerlatsinermut sulisup isumaqatigiissuteqarfigineratigut angissutsit taaneqartut sanioqqunneqarsinnaapput.

Nunaqarfiit

Nunaqarfinni Innuttaasunut Sullissiviup Inuussutissarsiortuniit saviminikut qanoq iginneqarnissaa innersuussisarput.

Eqqakkanik usingiaanermi kommunip innersuussutai malissallugit eqqagassalerisup pisussaaffigaa. Eqqakkat eqqortumik immikkoortiterneqarsimanersut kommunimi sulisut nalilissavaat.

Kommunip nunaqarfiini saviminikut eqqakkanik tigooravimmut tunniunneqannginnerini annerpaamik 150 x 75 x 25 cm angissusilerlugit aggorneqassapput.

§ 20 QAMUTIT MOTORILLIT UMIATSIALLU ATORUNNAARTUT

§ 20.1 QAMUTIT MOTORILLIT UMIATSIALLU ATORUNNAARTUT SUUPPAT?

Biilit umiatsiallu atorunnaarnikut inuussutissarsiortuneersut tassaasinnaapput biilit, usisaatit, entrepenørnit maskiinaat, umiatsiat, qamuteralaat aamma ATV-t, angallassissutissatut naleqqukkunnaarnikut.

§ 20.2 AAQQISSUUSSUUSSINEQ KIKKUNNUT ATUUPPA?

Kommunimi illoqarfinni suliffeqarfinnut, inunnik sullissivinnut umiarsualivinnullu tamanut.

§ 20.3 AAQQISSUUSSINERMUT NASSUIAAT

Kommunimi inoqarfinni tamani innersuussisarnermik aaqqissuussisoqarpoq, taakkunanilu eqqagassaqaalersitsisartoq nammineerluni Qaqortumi, Narsami Nanortalimmilu eqqakkanik kommunip tigooraavianukaassinissamik pisussaaffeqarluni.

Qamutitik motorilinnik umiatsianillu kommunip eqqagassalerivianut igitsisoqartinnagu najoqqutassat makku najoqqutaralugit taakku biililerffinnit avatangiisinut mingutsitsisinnaajunnaarsinneqaaqqaassapput:

Avatangiisinut mingutsitsisussaajunnaarsitsineq mekanikerimit ilinniarsimasumit suliarineqassaaq. Suliaq pitarneqarsinnaanngitsumik allequtserluni suliarineqartassaaq, taamaalilluni maangaannartoqassappat katersorneqarsinnaaniassammat kuuffikkoortitsisoqarnissaalu pinngitsoortinneqarluni. Suulluunniit ingutserlugit/imaarlugit peerneqarsimasut nassuiarneqarsinnaassapput.

Qamutit motorillit umiatsialluunniit igitassanngorlugit tiguneqannginnerini eqqakkat immikkoortut makku peerneqarsimassapput:

- Airbagsit peerneqassapput pullatsinneqareersimassallutillu
- Bremseklodsii asbestitallit
- Benzinaasivik aamma benzin
- Akkumulatorit aqerlullit
- Balanceklodsit aqerlortallit
- Unittaatit imerpalasortaat
- Assakaasuat qalequtaat kummit
- Elektronik
- Gear aamma hydraulikolie gearkassemmit bagtøjimillu pisut
- Katalysatorit
- Koblingip imerpalasortaa
- Kviksølvkontaktit
- Nillusaat
- Motorimut uulia
- Nikkel-Cadmium akkumulatorit
- Oliefilterit
- Pneumatiske systemit uuliaat
- Servostyringip uuliartaa
- Qitequtaasat
- Sprinklervæske

- Silaannarmik naqitamik imallit / qatserutit

Illoqarfiit

Illoqarfinni qamutit motorillit umiatsiallu atorunnaartut eqqakkanik tigooraavimmut/atoqqiivimmut tunniunneqartassapput.

Igitsinermut atatillugu avatangiisinut mingutsitsisussaajunnaarlugit misissorneqarsimanerat pillugu uppernarsaammik takutitsisoqassaaq. Uppernarsaateqanngippat kukkusumik immikkoortiterisimanermut akiliisitsisoqassaaq.

Nunaqarfiit

Nunaqarfinni suliffeqarfiit qamutitik motoorilinnik umiatsianillu igitsisussat Qaqortumi, Narsami Nanortalimmilu eqqagassanik tigooraavinnut akuerisanut/atoqqiivinnut eqqakkanik igitsiartortitsinissaminnut aningaasartuutinillu akiliinissaminnut pisussaaffeqarput.

Igitsinermut atatillugu avatangiisinut mingutsitsisussaajunnaarlugit misissorneqarsimanerat pillugu uppernarsaammik takutitsisoqassaaq. Uppernarsaateqanngippat kukkusumik immikkoortiterisimanermut akiliisitsisoqassaaq.

§ 21 SANAARTORNERMIT IGITASSAT

§ 21.1 SANAARTORNERMIT IGITASSAT SUUPPAT?

Sanaartornermit eqqagassat tassaapput qaliassiat, betonngi, gipsit, kiffiutissiat, issoq, asfalti, ujaqqat kiisalu savimernit.

Sanaartornermit eqqagassat nutaanik sanaartornermi, allannguinermi aamma nutarsaanermi kiisalu isaterinermi pinngortinneqartarput.

§ 21.2 AAQQISSUUSSAQ KIKKUNNUT ATUUPPA?

Kommunimi suliffeqarfinnut, inunnik sullissivinnut umiarsualivinnullu tamanut.

§ 21.3 AAQQISSUUSSINERMUT NASSUIAAT

Sanaartornermit igitassat sapaatip akunneranut 50 m³-init annertuneruppata igitassanngortinneqarnerat nalunaarutigineqassaaq. Taamatuttaaq qanorluunniit sapaatip akunneranut eqqagassat sanaartukkanut ataasiakkaanut tunngatillugu piffissami sanaartorfiusumi tamakkiisumi pilersinneqaraluarpata, eqqagassat ataatsimut annertussusaat 100 m³-it qaangerpagu nalunaaruteqartoqassaaq. Eqqagassat tamarmiusut annertussusaat nalunaarutigineqartumit qaangerneqarpat eqqagassat immikkoortukkuutaat tamarmik nalunaarutigineqartassapput.

Entrepreneurip qaqugu aallartittoqassasoq eqqagassallu qanoq annertunerunersut ilisimalerniaruniuk nalunaarutigissavai.

Sanaartornermit igitassanik nalunaaruteqarnermi immersuiffissaq atorlugu Teknikkimut Avatangiisinullu Ingerlatsivimmut nalunaaruteqartoqartassaaq.

Skiima kommunip nittartagaanit aaneqarsinnaavoq imaluunniit Teknikkeqarfimmut pissarsiariniarneqarsinnaalluni.

Maleruaqqusat ukua aalajangersagaat allat najoqqutaralugit aamma ingerlatsinermi sulisut innersuussutaat malillugit sanaartornermi eqqakkat immikkoortiterneqassapput.

§ 22 EQQAGASSAT MATOORUSSASSATUT NALEQQUTTUT

§ 22.1 EQQAGASSAT MATOORUSSASSATUT NALEQQUTTUT SUUPPAT?


Eqqakkat matoorussassatut naleqquttut inuussutissarsiuteqarfinneersut tassaapput eqqakkat atoqqitassatut, ikuallatassatut imaluunniit eqqakkatut navianartutut passunneqarnissaannik piumasagaatinut ilaatinneqanngitsut, elektronikkut atoqqitassaanngitsut aamma nillataartitsiviit/qerititsiviit. Taakku tassaasinnaapput betonngi, qalorsuit, qassutit, oqorsaait, assakaasut qalequtai kummit, qarmasissiakut aammalu sikassaasikkat (natissiat, qaliassiat, marraat, eqqiluisaarnermi atortut).

§ 22.2 AAQQISSUUSSINEQ KIKKUNNUT ATUUPPA?

Kommunimi illoqarfinni nunaqarfinnilu suliffeqarfinnut, inunnik sullissivinnut umiarsualivinnut tamanut.

§ 22.3 AAQQISSUUSSINERMUT NASSUIAAT

Illoqarfinni nunaqarfinnilu tamani innersuussisarnermik aaqqissuussisoqarpoq, matumanilu eqqagassaqaalersitsisartoq eqqakkanik kommunip tigooraavianukaassinissamik pisussaaffeqarpoq.



Figur 1 Armeringsjern må maksimalt stik-ke 2 cm ud over betonen

BETONNGIT QAJANNAALLISAKKAT IGINNEQARTARNERAT IMMIKKUT PINEQARTILLUGU: Betonnginik qajannaallisakkanik, tassa saviminertalinnik, igitsinermi savimerngit qajannaallisaatit annerpaamik 2 cm-inik betonngimiit aniingassapput.

Eqqagassanik kiilumut 0,1 mg-imit annerusumik PCB-italinnik matoorunneqarnissamut naleqquttunik igitsiniaraanni Teknikkimut Avatangisinnullu Ingerlatsivik innersuussuteqaqqullugu attavigineqassaaq.

Illoqarfiit

Eqqakkat matoorussassatut naleqquttut Qaqortumi, Narsami aamma Nanortalimmi eqqagassanik tigooqqaavinnut/atoqqiivinnut igikkiartorneqassapput

Eqqagassanik assartuisartup kommunimi eqqaavinnik ingerlatsisut attavigisussavai eqqakkallu usingiarnissaat pillugit taassuma ilitersuutai malittussaallugit. Eqqakkat eqqortumik immikkoortiterneqarsimanersut ingerlatsinermut sulisup nalilissavaa.

Eqqagassat matoorussassatut naleqquttut tigooqqaavimmut tunniunneqartinnagit annerpaamik 100 x 50 x 25 cm-inngorlugit aggorneqassapput. Immikkut ittumik pisoqartillugu eqqagassaleriffimmi ingerlatsinermut sulisup isumaqatigiissuteqarfigineratigut angissutsit taaneqartut taakku sanioqqunneqarsinnaapput.

Nunaqarfiit

Nunaqarfinni Innuttaasunik Sullissivik savimernit qanoq iginneqarnissaat pillugu inuussutissarsiortunut innersuussuteqartarpoq.

Eqqakkanik usingiaanermi kommunip innersuussutai malissallugit eqqagassalerisup pisussaaffigaa. Eqqakkat eqqortumik immikkoortiterneqarsimanersut kommunimi sulisut nalilissavaat.

Nunaqarfinni eqqagassat matoorussassatut naleqquttut tigooqqaavimmut tunniunneqartinnagit annerpaamik 50 x 25 x 25 cm-inngorlugit aggorneqassapput.

§ 23 EQQAKKAT ANGISUUT

§ 23.1 EQQAKKAT ANGISUUT SUUPPAT?

Eqqakkat angisuut tassaapput atortut aaqqissuussinerni allani pineqanngitsut. Tassaasinnaapput pequtit, madrassit, natersuit, papkassit, pequtit atorunnaakkat il.il.

Nalinginnaasumik atortut kikiattuunneqarsimasut eqqakkanut angisuunut tunngatillugu aaqqiisummut ilaatinneqarneq ajorput. Tassa assersuutigalugu anartarfiit asaffiillu. Allangortiterinerni, ingutserinerni, iluarsaassinerni kiisalu nutaanik sanaartornerni igitassat igitassanik angisuunik katersisarnermut ilaangillat.

Eqqagassanik angisuunik eqqaasarnermut aamma ilaangillat igitassat nalinginnaat, nunniutit, eqqakkat avatangiisinut navianartut aammattaaq eqqakkat atoqqinneqarsinnaasut. Taakkununga aaqqissuussinerit immikkuullarissut atuupput.

§ 23.2 AAQQISSUUSSINEQ KIKKUNNUT ATUUPPA?

Kommunimi suliffeqarfinnut, inunnik sullissivinnut umiarsualivinnullu tamanut.

Sillimaniarneq aamma allat peqqutigalugit eqqakkanik toqqaannartumik atoqqiinnissamik aaqqissuussineq pilersinneqarsimanngippat kommunip eqqagassanik tigooraavianit eqqakkanik angisuunik imaluunniit eqqakkanik allanik aallerneq inerteqqutaavoq.

§ 23.3 AAQQISSUUSSINERMUT NASSUIAAT

Inoqarfinni tamani aatsisarnermut aaqqissuussisoqarpoq, matumanilu eqqagassaqaalersitsisartup kommunip atoqqiivinnut/eqqaavissuinut eqqakkaminik angallassinissaq tunniussinissarluk isumagissavaa.

Atoqqiivinni/eqqaavissuarmi ingerlatsinermut nakkutilliisup innersuussutai aammalu susassaqarfimmi allagartalersuineq malinneqassapput. Eqqakkat eqqagassiivimmuk kukkusumut imaluunniit susassaqarfimmut kukkusumut igissimagaanni ingerlatsinikkut sulisut innersuutaat naapertorlugit eqqakkat igissimasat immikkoortiterneqassapput susassaqarfimmulluunniit eqqortumut iginneqassallutik.

Eqqagassaqaalersitsisut suliffeqarfiup biilia atorlugu inoqutigiinnit eqqagassanik angisuunik igitsisut inuussutissarsiornikkut sullinneqartutut naatsorsuunneqartarput, taamaallunilu akit allattorsimaffii atuuttut naapertorlugit akileeqquneqassallutik, apeqqutaatinnagu igitsisut ilisimatitsinikuunersut imaluunniit isumaqarnersut eqqagassat inoqutigiinnit ataatsinit arlalinniluunniit eqqagassaanersut. Eqqakkat suussusilersugaanerit assigiinngissuteqarpat qamutit nalunaarsimanerinit uppersaatiit kommunimit piumasarineqarsinnaapput.

Illoqarfiit

Eqqakkat angisuut Qaqortumi, Narsami aamma Nanortalimmi eqqakkanik tigooraavimmuk/atoqqiivimmuk iginneqassapput.

Eqqagassanik assartuisartup kommunimi eqqaavinnik ingerlatsisut attavigisussavai eqqakkallu usingiarnissaat pillugit taassuma ilitsersuutai malittussaallugit. Eqqakkat eqqortumik immikkoortiterneqarsimanersut ingerlatsinermut sulisup nalilissavaa.

Nunaqarfiit

Nunaqarfinni Innuttaasunik Sullissivik savimernit qanoq iginneqarnissaat pillugu inuussutissarsiortunut innersuussuteqartarpoq.

Eqqakkanik usingiaanermi kommunip innersuussutai malissallugit eqqagassalerisup pisussaaffigaa. Eqqakkat eqqortumik immikkoortiterneqarsimanersut kommunimi sulisut nalilissavaat.

§ 24 IGALAAMERNGIT IGALAAMERNILLU PUULLIT IGITASSAT

§ 24.1 IGALAAMERNGIT IGALAAMERNILLU PUULLIT IGITASSAT SUUPPAT?

Igalaamerngit igalaaminerngillu puullit tassaasinnaapput igalaat aqerlunik sinaakkusikkat, kuutsitsiffigitittarfiit igalaamerngit, igalaat qaleriissitaanngitsut sinaakkuteqanngitsut, igalaat qalipaattillit, nerriviit igalaamerngit, ilisiviit igalaamerngit, igalaamerngit aseqqukut, igalaamerngit qajannaallisakkat, naatitsiviit igalaartaat, tarrarsuutit, igalaat iluneq ajortut, igalaat/igalaamerngit ungerutissiallit, imerfiit kiisalu nerisassanut puut igalaaminiusut.

Igalaamerngit katersukkat aallaqqaammut atoqqiivimmu/eqqaavissuarnut matoorunneqassapput ajornanngippallu kingorna atoqqitassanngortinneqassallutik.

§ 24.2 AAQQISSUUSSAQ KIKKUNNUT ATUUPPA?

Kommunimi illoqarfinni suliffeqarfinnut, inunnik sullissivinnut umiarsualivinnullu tamanut.

§ 24.3 AAQQISSUUSSINERMUT NASSUIAAT

Inoqarfinni tamani innersuussisarnermut aaqqissuussisoqarpoq, matumanilu eqqagassaqaalersitsisartup nammineerluni kommunip eqqakkanik tigooraaviinut/atoqqiiviinut eqqakkaminik angallassinissaq tunniussinissarluk isumagissallugu pisussaaffigaa.

Eqqagassalerivimmi/atoqqiivimmi ingerlatsinermut nakkutilliisup innersuussutai aammalu susassaqaarfimmi allagartalersuineq malinneqassapput. Eqqakkat eqqagassiivimmu kukkusumut imaluunniit susassaqaarfimmut kukkusumut igissimagaanni ingerlatsinikkut sulisut innersuutaat naapertorlugit eqqakkat igissimasat immikkoortiterneqassapput susassaqaarfimmulluunniit eqqortumut iginneqassallutik.

Puiaasat utertittakkat niuertarfinnut utertinneqartassapput.

§ 25 EQQAKKANIK TIGOORAAVINNUT/ATOQQIIVINNUT AAQQISSUUSSINEQ

§ 25.1 AAQQISSUUSSINEQ KIKKUNNUT ATUUPPA?

Kommunimi illoqarfinni suliffeqarfinnut, inunnik sullissivinnut umiarsualivinnullu tamanut.

§ 25.2 EQQAKKANIK TIGOORAAVINNUT/ATOQQIIVINNUT AAQQISSUUSSINEQ SUUA?

Kommune Kujallermi eqqagassaqalersitsisartut eqqakkaminnik igitsivigisartagassaannik eqqakkanik tigooraavinnik/atoqqiivinnik atorneqarsinnaasunik 14-inik kommunalbestyrelse pilersitsivoq.

§ 25.3 EQQAKKANIK TIGOORAAVINNI/ATOQQIIVINNI IMMIKKOORTITERINEQ

Eqqakkat kommunip eqqakkanik tigooraavinut/atoqqiivinut iginneqartut minnerpaamik imatut immikkoortinneqarsimassapput:

- Eqqakkat matoorneqarsinnaasut (ass. asbest, PVC aqitsoq, kiffiutissat, qarmat, sukuluisaarnermut tunngasut)
- Assakaasut qalequtai kummit fælgitaqanngitsut
- Igalaamerngit puiaasallu
- Savimerngit
- Issoq
- Eqqagassat ulorianartut
- Eqqagassat mikisualuit ikuallassinnaasut
- Eqqakkat angisuut ikuallanneqarsinnaasut
- Qalorsuit qassutillu oqimaalutaqanngitsut

Eqqakkat kommunip eqqagassaleriviinut/atoqqiiviinut tunniunneqareerpata eqqakkanik piginnittuuneq Kommune Kujallermut ikaarsaartinneqassaaq, Kommune Kujalliullu aalajangissavaa eqqakkat sumut iginneqassanersut.

Kommune Kujalliup eqqagassaleriviini/atoqqiiviini atorunnaakkanik katersineq inerteqqutaavoq.

Illoqarfiit

Illoqarfinni kommunip eqqagassaleriviini/atoqqiiviini igitsinermi ingerlatsineramik sulisut attavigineqassapput. Ingerlatsinermi sulisut innersuussutaat eqqakkanik usingiaanermi malinneqassapput.

Eqqakkat eqqortumik immikkoortiterneqarnersut ingerlatsinermi sulisut nalilissavaat, eqqakkallu sumut inissinneqassanersut innersuussissallutik.

Nunaqarfiit

Nunaqarfinni kommunip eqqagassaleriviini/atoqqiiviini eqqakkanik igitsinermi Innuttaasunik Sullissivik attavigineqassaaq. Eqqakkanik usingiaanermi Innuttaasunik Sullissiviup innersuussutai malinneqqartassapput.